







সম্পাদক

শ্রীশুরেন্দ্রমোহন চৌধুরী

প্রকাশক : বুদ্ধাবন ধর অ্যাণ্ড সন্স লিমিটেড,
স্বত্বাধিকারী, আশুতোষ লাইব্রেরি। ৫, বঙ্কিম চাটুজ্যে
স্ট্রীট, কলিকাতা এবং ৩৮, জনসন রোড, ঢাকা।

প্রথম সংস্করণ : আশ্বিন, ১৩৫৩
এক টাকা

মুদ্রাকর : শ্রীপরেশনাথ বন্দ্যোপাধ্যায়
শ্রীনারসিংহ প্রেস। ৫, বঙ্কিম চাটুজ্যে স্ট্রীট, কলিকাতা।



উৎসর্গ

যিনি তুল্যভাবে আমার সুখদুঃখের অংশ গ্রহণ
করিয়াছেন, যিনি আমার সকল কর্মের ও
ধর্মের সহায়, যাহার উৎসাহ ও অনুরোধে আমি
সাহিত্য-চর্চায় অগ্রসর হইয়াছি, আমার প্রথম গ্রন্থ
সেই শুদ্ধচিত্ত, সদাপ্রফুল্ল, আমার প্রিয়তমা পত্নী

শ্রীমতী সুষমা দেবীর হাতে

তুলিয়া দিলাম ।

[সর্বস্ব সংরক্ষিত]

রবীন্দ্রনাথের পূর্ব যুগে যে সমস্ত সাহিত্য-রথী বাংলা সাহিত্যকে সমৃদ্ধ করিয়াছেন, রমেশচন্দ্র দত্ত তাঁহাদের অন্যতম। সেকালের ভারতীয় সিভিল সার্ভিসের উচ্চতম পদে অধিষ্ঠিত থাকিয়াও রমেশচন্দ্র যেরূপ নিষ্ঠা ও একাগ্রতার সহিত বঙ্গ-সাহিত্যের সেবা করিয়াছেন, তেমনটি একালেও বড় দেখা যায় না। তাঁহার ঐতিহাসিক উপন্যাসগুলি যেমন উচ্চ দেশাত্মবোধের আদর্শে অনুপ্রাণিত, তেমনি তাহাদের ভাষা ও প্রকাশ-ভঙ্গী সতেজ ও বলিষ্ঠ। বাংলার ছেলেমেয়েরা যাহাতে ছেলেবেলা হইতেই রমেশচন্দ্রের গ্রন্থগুলির সহিত পরিচিত হইয়া উত্তর কালে বাংলার শ্রেষ্ঠ গ্রন্থগুলি পাঠ করিতে উদ্বুদ্ধ হয় এবং বাংলা সাহিত্যকে আরো বেশি সমৃদ্ধ করিয়া তুলিতে পারে, সেই উদ্দেশ্য লইয়া রমেশ-গ্রন্থাবলীর সংক্ষিপ্ত সংস্করণের প্রথম গ্রন্থ “মহারাষ্ট্র জীবন-প্রভাত” প্রকাশ করা হইল।





১৯৫৬ খ্রিঃ



উপক্রমণিকা

শিবজী ১৬২৭ খৃষ্টাব্দে জন্মগ্রহণ করেন। তাঁহার পিতার নাম শাহজী, পিতামহের নাম মল্লজী।

মল্লজী আহম্মদনগরের সুলতানের অধীনে পঞ্চসহস্র অশ্বারোহীর সেনাপতি ছিলেন। তিনি জায়গীর স্বরূপ পুনা ও সোপানগর পাইয়া-ছিলেন। কালক্রমে মল্লজীর মৃত্যুর পর শাহজী পৈতৃক জায়গীর ও পদ প্রাপ্ত হইলেন।

উপক্রমণিকা

এই সময়ে দিল্লীখর আকবর শাহ আহম্মদনগর রাজ্য দিল্লীর অধীনে আনিবার জন্ত যুদ্ধ করিতেছিলেন। আকবর শাহ কতক পরিমাণে জয়লাভ করিলেন এবং তাঁহার মৃত্যুর পর সম্রাট জাহাঙ্গীরও সেই উত্তমে ব্যাপ্ত রহিলেন। জাহাঙ্গীরের মৃত্যুর পর সম্রাট শাহজিহান সেনাপতি শাহজীকে পঞ্চ সহস্র অশ্বারোহীর সেনাপতি করিয়া অনেক জায়গীর দান করেন। কিন্তু তিন বৎসর পর কতকগুলি স্বার্থপর ব্যক্তির কুপরামর্শে সম্রাট কতকগুলি জায়গীর কাড়িয়া লইলেন। শাহজী বিরক্ত হইয়া বিজয়পুরের সুলতানের পক্ষাবলম্বন করিলেন ও মৃত্যু পর্যন্ত বিজয়পুরের সুলতানের অধীনে কার্য্য করিতে লাগিলেন। সম্রাট শাহজিহান শাহজী ও বিজয়পুরের সুলতানকে দমন করিবার জন্ত বহুসংখ্যক অশ্বারোহী ও পদাতিক প্রেরণ করিলেন। দিল্লীখরের সহিত যুদ্ধ করা বিজয়পুরের সুলতান বা শাহজীর সাধ্য নহে। কয়েক বৎসর যুদ্ধের পর সন্ধিস্থাপন হইল। আহম্মদনগর রাজ্য বিলুপ্ত হইল। শাহজী বিজয়পুরের জায়গীরদার ও সেনাপতি রহিলেন।

শাহজীর পত্নী জীজীবাইয়ের গর্ভে শম্ভুজী ও শিবজী নামে দুই পুত্র হয়। ১৬৩০ খৃঃ অব্দে শাহজী টুকাবাই নাম্নী আর একটি কন্যার পাণিগ্রহণ করেন। অভিমানিনী জীজীবাই তাহাতে ক্রুদ্ধ হইয়া স্বামীর সংসর্গ ত্যাগ করিয়া পুত্র শিবজীকে লইয়া পুনর জায়গীরে আসিয়া অবস্থিতি করিতেন। শাহজীর দুইজন অতি বিশ্বস্ত ব্রাহ্মণ মন্ত্রী ও কর্মচারী ছিলেন। তন্মধ্যে দাদাজী কানাইদেব পুনর জায়গীর এবং জীজী ও শিশু শিবজীর রক্ষণাবেক্ষণ করিতেন।

১৬২৭ খৃঃ অব্দে সুবর্ণী দুর্গে শিবজীর জন্ম হয়। এই দুর্গ পুনা

হইতে অনুমান ২৫ ক্রোশ উত্তরে অবস্থিত। বাল্যকালাবধি শিবজী দাদাজীর নিকট শিক্ষা প্রাপ্ত হইতে লাগিলেন। শিবজী কখনও নাম লিখিতেও শিখেন নাই। কিন্তু অল্পবয়স হইতেই ধর্ম্মরূপ ব্যবহার, বর্ণা নিক্ষেপ, নানারূপ মহারাষ্ট্রীয় খড়্গ ও ছুরিকা চালন এবং অশ্বারোহণে বিশেষ প্রতিপত্তি লাভ করিলেন। মহারাষ্ট্রীয় মাত্রেই অশ্বচালনায় তৎপর, কিন্তু তাহাদিগের মধ্যেও শিবজী বিশেষ সুখ্যাতি লাভ করিলেন। এইরূপ ব্যায়াম ও যুদ্ধবিদ্যা শিক্ষায় বালকের দেহ শীঘ্রই সুদৃঢ় ও বলিষ্ঠ হইয়া উঠিল। কিন্তু কেবল অস্ত্রবিদ্যায় শিবজী কাল অতিবাহিত করিতেন না; যখন অবসর পাইতেন, দাদাজীর চরণোপাস্তে বসিয়া মহাভারত ও রামায়ণের গল্প শ্রবণ করিতে বড়ই ভালবাসিতেন।

তিনি ষোড়শ বর্ষ বয়ঃক্রমে স্বাধীন ভূপতি হইবার জন্ত নানারূপ সঙ্কল্প করিতে লাগিলেন। আপনার জায় উৎসাহী যুবকদিগকে চারিদিকে জড় করিতে লাগিলেন।

মাউলী জাতীয়দিগের কষ্টসহিষ্ণুতা ও বিশ্বাসযোগ্যতার জন্ত শিবজী তাহাদিগকে বড় ভালবাসিতেন। তাঁহার যৌবন-সুহৃদগণের মধ্যে যশোজী কক্ক, তন্নজী মালশ্রী ও বাজী ফাসলকর নামক তিনজন মাউলীই প্রিয়তম ও অগ্রগণ্য ছিলেন। পরিশেষে ইঁহাদের সহায়তায় ঊনবিংশ বর্ষ বয়সে তোরণ দুর্গের কিল্লাদারকে কোনরূপে বশবর্তী করিয়া শিবজী সেই দুর্গ হস্তগত করিলেন। ইহারই পর বৎসর তোরণ দুর্গের দেড় ক্রোশ দক্ষিণ-পূর্বে একটি নূতন দুর্গ নির্মাণ করাইয়া তাহার নাম রাজগড় রাখিলেন।

যুত্মর প্রাকালে দাদাজী শিবজীকে ডাকাইয়া নিকটে আনেন।

উপক্রমণিকা

মৃত্যুশয্যায় যেন দাদাজীর দিব্যচক্ষু উন্মীলিত হইল। তিনি শিবজীকে সম্মুখে বলিলেন, “বৎস, তুমি যে চেষ্টা করিতেছ তাহা হইতে মহত্তর চেষ্টা আর নাই। এই উন্নত পথ অনুসরণ কর, দেশের স্বাধীনতা রক্ষা কর, ব্রাহ্মণ ও গোবৎসাদি এবং কৃষকগণকে রক্ষা কর। ঈশানী যে উন্নত পথ তোমাকে দেখাইয়া দিয়াছেন, সেই পথ অনুসরণ কর।” এই বলিয়া বৃদ্ধ চিরনিদ্রায় নিদ্রিত হইলেন।

শিবজী যখন একটির পর একটি দুর্গ জয় করিয়া সমস্ত কঙ্কণ প্রদেশ জয় করিতে বদ্ধপরিকর হইলেন, তখন বিজয়পুরের সুলতান শিবজীকে ধ্বংস করিবার আয়োজন করিলেন। তিন বৎসর যুদ্ধ চলিল। তারপর ১৬৬২ খৃঃ অব্দে শাহজী মধ্যবর্তী হইয়া বিজয়পুর ও শিবজীর মধ্যে সন্ধি সংস্থাপন করিয়া দিলেন। শিবজী পিতাকর্তৃক সংস্থাপিত এই সন্ধির বিরুদ্ধাচরণ করেন নাই, শাহজীর জীবদ্দশায় বিজয়পুরের বিরুদ্ধে আর যুদ্ধ করেন নাই। তাহার পরেও যখন যুদ্ধ হয়, সে সময় শিবজী আক্রমণকারী ছিলেন না। ঐ বৎসরই মোগলদিগের সহিত মহারাষ্ট্রীয়দের যুদ্ধ আরম্ভ হয়। আমাদের আখ্যায়িকা এই সময় হইতে আরম্ভ হইয়াছে। মোগলদিগের সহিত যুদ্ধারম্ভের সময় সমস্ত কঙ্কণ প্রদেশ শিবজী অধিকৃত করিয়াছিলেন। তাঁহার সপ্ত সহস্র অশ্বারোহী ও পঞ্চাশং সহস্র পদাতিক সেনা ছিল। শিবজীর বয়স তখন পঞ্চত্রিংশ বৎসর।



প্রথম পরিচ্ছেদ

রঘুনাথজী হাবিলদার

কক্কাণ প্রদেশে বর্ষাকালে প্রকৃতি অতি ভীষণ রূপ ধারণ করে। ১৬৬৩ খৃঃ অব্দের বসন্তকালেই একদিন সায়াংকালে সেইরূপ ঘোর ঘটা দৃষ্ট হইয়াছিল। সূর্য্য এখনও অস্ত যায় নাই। অথচ সমস্ত আকাশ দীর্ঘবিলম্বী অতিক্রম মেঘ-রাশিতে আবৃত ও চারিদিকে পর্বতশ্রেণী ও অরণ্য অন্ধকারে আচ্ছন্ন রহিয়াছে। নিকটস্থ পর্বতের উপর দিয়া গমনাগমনের পথগুলি ঈষৎ দেখা যাইতেছে।

সেই পর্বতপথের উপর দিয়া একমাত্র অস্বারোহী বেগে

অশ্চালন করিয়া যাইতেছিলেন। অশ্বারোহীর বেশ কর্দমময়, দেখিলেই বোধ হয় তিনি অনেকদূর হইতে আসিতেছেন। তাঁহার দক্ষিণ হস্তে বর্শা, কোষে অসি, বামহস্তে বল্গা ও বাম বাহুতে ঢাল। পরিচ্ছদ ও উষ্ণীয় রাজস্থান-দেশীয়। অশ্বারোহীর বয়ঃক্রম অষ্টাদশবর্ষ হইবে। অবয়ব উন্নত ও গৌরবর্ণ; মুখমণ্ডল ঔদার্য্যব্যঞ্জক ও অতিশয় তেজঃপূর্ণ।

এখন যাইবার সময় নহে; আকাশ পরিষ্কার হওয়া পর্য্যন্ত কোথাও অপেক্ষা করা উচিত। কিন্তু যুবকের চিন্তা করিবার সময় ছিল না। তিনি এক মুহূর্ত্ত আকাশের দিকে নিরীক্ষণ করিলেন, পরে পুনরায় বেগে অশ্চালন করিয়া সেই নিঃশব্দ পর্বত-প্রদেশের সুপ্ত প্রতিধ্বনি জাগরিত করিয়া চলিলেন। অল্পক্ষণ মধ্যেই ভয়ানক বাত্যা আরম্ভ হইল। মুসলধারায় বৃষ্টি পড়িয়া পর্বত, অরণ্য ও উপত্যকা প্লাবিত করিল। অশ্বারোহী কিছুতেই প্রতিকূদ্ধ না হইয়া সাবধানে চলিতে লাগিলেন। কিছুক্ষণ পর যুবক দুর্গে উপস্থিত হইয়া একবার অশ্ব থামাইলেন। অচিরে আপন পরিচয় দিয়া দুর্গে প্রবেশ করিলেন। তখন সূর্য্য অস্ত যাইতেছে, অমনি বনঝনা শব্দে দুর্গদ্বার রুদ্ধ হইল।

দ্বাররক্ষকগণ দ্বার বন্ধ করিয়া যুবককে কহিলেন, “অধিক সকালে পৌছেন নাই। আর এক মুহূর্ত্ত বিলম্ব হইলে অণু রাজি প্রাচীরের বাহিরে অতিবাহিত করিতে হইত।”

যুবক। সেই এক মুহূর্ত্ত বিলম্ব হয় নাই। প্রভুর নিকট যে প্রতিজ্ঞা করিয়াছি, ভবানীর প্রসাদে তাহা রাখিব। অতীত কল্পাদারের নিকট প্রভুর আদেশ জানাইতে পারিব।

দ্বাররক্ষক। কল্পাদারও আপনার জন্ত প্রতীক্ষা করিতেছেন।

যুবক তৎক্ষণাৎ কল্পাদারের প্রাসাদে যাইলেন, ও সম্যক্ অভিবাদন করিয়া নিজ কটিদেশ হইতে বন্ধন খুলিয়া কতকগুলি লিপি তাঁহার হস্তে প্রদান করিলেন। কল্পাদার মাউলী জাতীয় এবং শিবজীর একজন বিশ্বস্ত যোদ্ধা। তিনি লিপিগুলির প্রতীক্ষা করিতেছিলেন। দূতের দিকে না চাহিয়াই মনোনিবেশ পূর্বক সেইগুলি পাঠ করিতে লাগিলেন। অবশেষে বলিলেন, “হাবিলদার! তোমার নাম রঘুনাথজী? তুমি জাতিতে রাজপুত?”

রঘুনাথজী বিনীতভাবে শির নামাইয়া প্রশ্নের উত্তর করিলেন।

কল্পাদার। তুমি আকৃতি ও বয়সে বালকমাত্র; কিন্তু বিবেচনা করি, কার্য্যকালে পরাভূত নহ।

রঘুনাথজী। যত্ন ও চেষ্টা মাত্র মহুশ্যসাধ্য। সিদ্ধি ভবানীর ইচ্ছাধীন।

কল্পাদার। তুমি সিংহগড় হইতে তোরণ দুর্গে এত শীঘ্র আসিলে কিরূপে?

রঘুনাথজী । প্রভুর নিকট এইরূপ প্রতিজ্ঞা করিয়াছিলাম ।

কিল্লাদার এই উত্তরে পরিতুষ্ট হইয়া ঈষৎ হাস্য করিয়া বলিলেন, “জিজ্ঞাসা অনাবশ্যক, কার্যসাধনে তোমার যেরূপ যত্ন, তোমার আকৃতিই তাহার পরিচয় দিতেছে ।” রঘুনাথজীর সমস্ত বস্ত্র ও শরীর এখনও সিক্ত ও ললাটের ঈষৎ ক্ষত দেখা যাইতেছিল ।

পরে কিল্লাদার সিংহগড়ের ও পুনার সমস্ত অবস্থা, মহারাষ্ট্রীয়, মোগল ও রাজপুত সেনার অবস্থা ও সংখ্যা তন্ন তন্ন করিয়া জিজ্ঞাসা করিতে লাগিলেন । রঘুনাথজী যতদূর পারিলেন উত্তর দিলেন ।

কিল্লাদার বলিলেন, “তবে কল্য প্রাতে আমার নিকট আসিও, আমার পত্রাদি প্রস্তুত থাকিবে । আর প্রভু শিবজীকে আমার নাম করিয়া জানাইও যে, তিনি যে তরুণ হাবিলদারকে এই বিষম কার্যে নিযুক্ত করিয়াছিলেন, সে হাবিলদার কার্যের অনুপযুক্ত নহে ।” প্রশংসাবাক্যে রঘুনাথ মস্তক নত করিয়া কৃতজ্ঞতা স্বীকার করিলেন ।

রঘুনাথজী বিদায় পাইয়া চলিয়া গেলেন । সে নয়নপথের বহির্ভূত হইলে পর কিল্লাদার ঈষৎ হাস্য করিয়া বলিলেন, “শিবজী এ বিষয়ে অসাধারণ পণ্ডিত । উপযুক্ত কার্যে যথার্থই উপযুক্ত লোক পাঠাইয়াছেন ।”



দ্বিতীয় পরিচ্ছেদ

জনার্দনদেব

রঘুনাথ কিল্লাদারের নিকট বিদায় পাইয়া ভবানী দেবীর মন্দিরাভিমুখে বাইতে লাগিলেন। যখন মন্দিরের নিকট আসিলেন, তখন প্রায় সন্ধ্যা হইয়াছে। মন্দিরের পুরোহিত তখন বাটীতে নাই। সুতরাং রঘুনাথ উত্তানে একটি শ্রস্তরের উপর বসিয়া ক্ষণেক বিশ্রাম করিতে লাগিলেন।

সন্ধ্যার সময় সেই উত্তানে একজন বালিকা ফুল তুলিতে আসিলেন। রঘুনাথ পরিচ্ছদ দেখিয়া বুঝিলেন বালিকা

মহারাত্রী জীবন-প্রভাত

রাজপুত। বহুদিন পরে একজন স্বদেশীয়া রমণীকে দেখিয়া রঘুনাথের হৃদয় নৃত্য করিয়া উঠিল।

কিছুকাল পরে পুরোহিত জনার্দনদেব উপস্থিত হইলেন। তাঁহার বয়স পঞ্চাশৎ বৎসর হইয়াছে; বর্ণ গৌর এবং স্বচ্ছ হইতে যজ্ঞোপবীত লম্বিত রহিয়াছে। পূজকের পবিত্র মন ও সরল হৃদয় তাঁহার মুখ দেখিলেই বোধগম্য হইত।

সংক্ষেপে মিষ্টালাপ করিয়া উভয়ে আসন গ্রহণ করিলেন ও জনার্দন শিবজীর কুশল সংবাদ জিজ্ঞাসা করিলেন। রঘুনাথ যতদূর পারিলেন, যুদ্ধের বিবরণ বলিলেন ও শিবজীর প্রণাম জানাইয়া পূজকের হস্তে কয়েকটি সুবর্ণমুদ্রা দিয়া বলিলেন, “প্রভুর প্রার্থনা যে, তিনি এক্ষণে মোগলদিগের সহিত রণে নিযুক্ত হইয়াছেন। আপনি তাঁহার জয়ের জন্ত ভবানীর নিকটে পূজা করিবেন। দেবী-প্রসাদ ভিন্ন মনুষ্য-চেষ্টা বৃথা।”

জনার্দন তাঁহার নৈসর্গিক স্থির গম্ভীরস্বরে উত্তর করিলেন, “সনাতন হিন্দুধর্ম্মরক্ষার জন্ত মাদৃশ লোকের চিরকালই যত্ন করা বিধেয়, সেই ধর্ম্মের প্রহরীস্বরূপ শিবজীর বিজয়ের জন্ত অবশ্যই পূজা দিব। মহাত্মাকে জানাইও সে বিষয়ে ক্রটি করিব না।”

রঘুনাথ। দেবীপদে প্রভুর আর একটি আবেদন আছে। তিনি ঘোরতর যুদ্ধে প্রবৃত্ত হইবেন। তাহার কল্যাণ

কথঞ্চিৎ পূর্বের জানিবার আকাঙ্ক্ষা করেন। ভবাদৃশ দূরদর্শী দৈবজ্ঞ এ বিষয়ে অবশ্যই তাঁহার মনস্কামনা পূর্ণ করিতে পারেন।

জনার্দন ক্ষণেক চক্ষু মুদ্রিত করিয়া রহিলেন। পরে পুনরায় গম্ভীরস্বরে বলিলেন, “রজনীযোগে দেবীপদে শিবজীর বাসনা জানাইব, কল্যাণ প্রাপ্তে উত্তর জানিতে পারিবে।”

রঘুনাথ বিদায় গ্রহণ করিতে উত্তত হইলে জনার্দন জিজ্ঞাসা করিলেন, “ভূর্গে কাহারও সহিত পরিচয় আছে? থাকিবার স্থান আছে?”

রঘু। না, কোন এক স্থানে রজনী অতিবাহিত করিব।

জনার্দন। কি জন্ত অনর্থক ক্লেশ সহ্য করিবে? আমার এই দেবালয়ে অবস্থিতি কর। আমার পালিতকণ্ঠা তোমার খাতির আয়োজন করিয়া দিবে। রাত্রিতে বিশ্রাম করিয়া কল্যাণ শিবজীর নিকটে দেবীর আজ্ঞা লইয়া যাইবে।



তৃতীয় পরিচ্ছেদ

কণ্ঠমালা

জনার্দনদেব অম্বরদেশীয় উচ্চকুলোদ্ভব রাজপুত্র ব্রাহ্মণ। তিনি রাজা জয়সিংহের সভাসদ ছিলেন। শিবজী বহু অনুরোধে রাজার অনুমতি লইয়া তাঁহাকে তোরণ দুর্গে আনয়ন করেন। স্বদেশত্যাগের পূর্বে তিনি পিতৃমাতৃহীন এক কৃত্রিয়কণ্ঠার লালন-পালনের ভার লইয়াছিলেন। সরযুর পিতা জনার্দনের বাল্যবন্ধু ছিলেন।

রঘুনাথের অরণ্য হইল মন্দির প্রবেশ-পথে এক সুন্দরী

রাজপুত-বালাকে উত্তানমধ্যে দেখিয়াছিলেন। পরিচয়ের সুযোগ হইতে পারে মনে করিয়া রঘুনাথের আনন্দ হইল।

রজনী প্রায় এক প্রহর হইলে সরযু পিতার আদেশে অতিথির খাণ্ডের আয়োজন করিলেন। মহারাষ্ট্র দেশে অতীবধি আহূত ব্যক্তিকে পরিবারের মধ্যে কোন একজন রমণী আসিয়া ভোজন করাইবার রীতি আছে।

জনর্দিন ভোজনকালে নানারূপ প্রসঙ্গের অবতারণা করিলেন, কিন্তু রঘুনাথ অন্তমনস্কের স্থায় কখনও ছুই-একটি কথা উত্তর দিলেন, কখনও নীরবে রহিলেন। আহার শেষ হইলে সরযু সরবৎ আনিয়া রঘুনাথের সম্মুখে স্থাপন করিলেন। রঘুনাথ সোধেগচিন্তে তাহার দিকে চাহিলেন। "চারি চক্ষুর মিলন হইল। সরযুর মুখমণ্ডল লজ্জায় ঈষৎ রক্তবর্ণ হইল, মুখ অবনত করিয়া সরযু ধীরে ধীরে সরিয়া গেলেন। রঘুনাথও লজ্জিত হইয়া অধোবদন হইলেন।

রঘুনাথের শয্যারচনা হইল। রঘুনাথ শয়ন করিলেন না। ঘরের দ্বার উদঘাটন করিয়া নক্ষত্রালোকে উত্তানমধ্যে বিচরণ করিতে লাগিলেন।

রঘুনাথ অল্প কেন সেই উত্তানে পদচারণ করিতেছেন তাহা রঘুনাথ জানেন না। এতদিন রঘুনাথ বালক ছিলেন, অল্প যেন সহসা তাঁহার শাস্ত, নীল জীবনাকাশের উপর নূতন আলোক উদ্ভিত হইল। তাঁহার সুপ্ত চিন্তা জাগরিত হইল,

মনের গতি অতি বেগবতী হইল। সেই রাজপুত-বালার আনন্দময়ী মূর্তি তাঁহার মনে আসিতে লাগিল। রঘুনাথ চিন্তা করিলেন, এই অতুলনীয় সুন্দরী রাজাদিগের কাম্য। একজন সামান্য হাবিলদারের পক্ষে এ দুরাশা পোষণ করা কর্তব্য নয়।

কিন্তু যৌবনকালে আশাই বলবতী হয়—অসাধ্যও সাধ্য মনে হয়। রঘুনাথ আশা ত্যাগ করিতে পারিলেন না। অনেকক্ষণ উত্থানমধ্যে অস্থিরভাবে পদচারণ করিলেন। অকস্মাৎ সেই ক্ষীণ নক্ষত্রালোকে পদতলে একটি মালাকার উজ্জ্বল বস্তু দেখিয়া তাহা তুলিয়া লইয়া দেখিলেন, একটি মুক্তাখচিত কণ্ঠমালা। রঘুনাথ সে মালা চিনিলেন। সেই মালা সরযু কণ্ঠে ধারণ করিয়াছিলেন, বোধ হয় অসাবধানতাবশতঃ ঐ স্থানে ফেলিয়া গিয়াছেন। মালাটি বক্ষে ধারণ করিয়া রঘুনাথ গৃহে প্রবেশ করিয়া নিদ্রা গেলেন।

প্রাতে জনার্দনদেবের নিকট ভবানীর আজ্ঞা জানিলেন, “শ্বেচ্ছদিগের সহিত যুদ্ধে জয়, স্বধর্ম্মদিগের সহিত যুদ্ধে পরাজয়।”

জনার্দনের নিকট বিদায় লইয়া দুর্গত্যাগের পূর্বে রঘুনাথ আর একবার সরযুর সহিত দেখা করিতে গেলেন। উত্থানমধ্যে সাক্ষাৎ হইল। রঘুনাথ ধীরে ধীরে অগ্রসর হইয়া ঈষৎ কম্পিতস্বরে বলিলেন, “ভদ্রে! কল্য নিশ্চয়োঁগে এই কণ্ঠমালাটি এই স্থানে পাইয়াছি, সেইটি দিতে আসিয়াছি। অপরিচিতের ধৃষ্টতা মার্জনা করিবেন।”

আবার চারি চক্ষুর মিলন হইল। সেই কমনীয় উদার মুখমণ্ডল, সেই উন্নত ললাট, সেই উজ্জ্বল নয়নদ্বয়, সেই তরুণ যোদ্ধা! রঘুনাথের প্রতি মুগ্ধদৃষ্টিতে চাহিয়া সরযুর গৌর মুখমণ্ডল রক্তবর্ণ হইল।

রঘুনাথ ধীরে ধীরে বলিলেন, “যদি অনুমতি করেন তবে মালাটি পরাইয়া দি—এই অনুগ্রহ আমাকে প্রদান করুন, ভগবান আপনাকে সুখে রাখিবেন।”

সরযু সলজ্জ নয়নে একবার রঘুনাথের দিকে চাহিলেন। তৎক্ষণাৎ রঞ্জিতমুখী লজ্জায় আবার চক্ষু মুদিত করিলেন। সম্মতির লক্ষণ পাইয়া রঘুনাথ ধীরে ধীরে সেই কণ্ঠমালা পরাইয়া দিলেন, কণ্ঠার পবিত্র শরীর স্পর্শ করিলেন না।

সরযু এবার লজ্জা ও উদ্বেগ সংযম করিয়া ভূমির দিকে নয়ন ফিরাইয়া মৃদুস্বরে কহিলেন, “আপনার নিকট অনুগ্রহীত রহিলাম, পুনরায় যদি ছুর্গে আইসেন, ভরসা করি পুনরায় পিতার এই মন্দিরে অবস্থান করিবেন।”

এই অমৃত কথাগুলি রঘুনাথের হৃদয় আনন্দলহরীতে প্লাবিত করিল। তিনি বলিলেন, “ভদ্রে, পুনরায় কবে আসিতে পারিব, কখনও আসিতে পারিব কি না, জানি না। কিন্তু যতদিন জীবিত থাকিব, ততদিন আপনার দেবনির্মিত মূর্তি মুহূর্তের জন্যও বিস্মৃত হইব না।”




চতুর্থ পরিচ্ছেদ

সায়েরস্তা খাঁ

চৈত্র মাসের শেষভাগে একদিন সায়ংকালে পরাক্রান্ত মোগল সেনাপতি সায়েরস্তা খাঁ আপন অমাত্য ও মন্ত্রিগণকে আহ্বান করিয়া সভায় বসিয়াছেন। কিরূপে শিবজীকে পরাজয় করিবেন তাহারই পরামর্শ হইতেছিল। দাদাজী কানাইদেবের বাটীর মধ্যে সভাগৃহে এই সভা হইয়াছিল।

টান্দ খাঁ নামক একজন প্রাচীন সেনা বলিল, “জাহাঁপনা ! চুর্গই মহারাষ্ট্রীয়দিগের বল। দেশ পর্বতময়। উহাদিগের সেনা এক স্থান হইতে পলায়ন করিয়া অশ্রু স্থানে উপস্থিত



হইবে। অতএব অল্পখরুদ্ব, অপেক্ষা কর্তৃক জয়ের চেষ্টা অধিক ফলবতী হইবে।

সায়েন্তা খাঁ। আমাদের কি অশ্বারোহী সেনা নাই ? আমরা কি পশ্চাৎদ্রাবন করিয়া সমস্ত মহারাষ্ট্রীয় সেনা ধ্বংস করিতে পারিব না ?

টাদ খাঁ। যুদ্ধ হইলে অবশ্যই মোগলের জয়। ধরিতে পারিলে আমরা মহারাষ্ট্রীয় সেনা বিনাশ করিব তাহার সংশয় নাই ; কিন্তু এই পার্শ্বতা-প্রদেশে মহারাষ্ট্রীয় অশ্বারোহীকে পশ্চাৎদ্রাবন করিয়া ধরিতে পারে এমন অশ্বারোহী হিন্দুস্থানে নাই। জাহাঁপনা, আমার পরামর্শ গ্রহণ করুন। সিংহগড়ে শিবজী আছেন। সহসা সেই স্থান অবরোধ করুন। এক মাস কি দুই মাস কালের মধ্যে তুর্গ জয় করিব। শিবজী বন্দী হইবে। দিল্লীশ্বরের জয় হইবে।

এই সময়ে একজন ভৃত্য আসিয়া সমাচার দিল যে সিংহগড়ের দূত মহাদেওজী জায়শাস্ত্রী নামক ব্রাহ্মণ আসিয়াছেন। নীচে অপেক্ষা করিতেছেন। সায়েন্তা খাঁ তাঁহার প্রতীক্ষা করিতেছিলেন, তাঁহাকে সভাগৃহে আনিবার আজ্ঞা দিলেন। সভাস্থ সকলে এই দূতকে দেখিবার জন্ম উৎসুক হইলেন।

ক্ষণেক পর মহাদেওজী জায়শাস্ত্রী সভাগৃহে প্রবেশ করিলেন। জায়শাস্ত্রীর বয়স এখনও চত্বারিংশ বৎসর হয় নাই। অবয়ব মহারাষ্ট্রীয়দিগের জায় ঈষৎ খর্ব ও কৃষ্ণবর্ণ। ব্রাহ্মণের

মুখমণ্ডল সুন্দর ও বক্রস্থল বিশাল, বাহুযুগল দীর্ঘ, নয়ন গভীর বুদ্ধব্যঞ্জক, ললাটে দীর্ঘ তিলক চন্দন, স্বন্ধে যজ্ঞোপবীত লব্ধিত রহিয়াছে। শরীর তুলার কুর্ন্তিতে আবৃত, সূতরাং গঠন স্পষ্ট দেখা যাইতেছে না। মস্তকে প্রকাণ্ড উষ্ণীষ, এক্রপ প্রকাণ্ড যে, বদনমণ্ডল যেন তাহার ছায়াতে আবৃত রহিয়াছে। সায়েস্তা খাঁ সাদরে দূতকে আহ্বান করিয়া উপবেশন করিতে বলিলেন।

সায়েস্তা খাঁ জিজ্ঞাসা করিলেন, “সিংহগড়ের সংবাদ কি?”

মহাদেওজী একটি সংস্কৃত শ্লোকের অর্থ করিয়া বলিলেন, “দণ্ডকারণ্যে পঞ্চবটী বনে শত শত নদী আছে। কিন্তু তাহা দেখিয়া কি রাঘব সরযু নদীর বিচ্ছেদ-দুঃখ ভুলিতে পারেন? সিংহগড় প্রভৃতি শত শত দুর্গ এক্ষণে শিবজীর হস্তে আছে। কিন্তু পুনা আপনার হস্তগত, সে সম্ভাপ কি তিনি ভুলিতে পারেন?”

সায়েস্তা খাঁ পরিতুষ্ট হইয়া বলিলেন, “যাও, তোমার প্রভুকে বলিও প্রধান দুর্গ হস্তগত করিয়াছি। এক্ষণে তাহার যুদ্ধ করা বিফল। দিল্লীশ্বরের অধীনতা স্বীকার করিলে বরং এখনও আশা আছে।”

ব্রাহ্মণ ঈষৎস্ম করিয়া পুনরায় একটি সংস্কৃত শ্লোকের অর্থ করিয়া বলিলেন, “চাতক কথা কহিয়া আপন অভিলাষ মেঘকে জানাইতে পারে না। কিন্তু মেঘ সেই অভিলাষ বুঝিয়া আপনার

দয়াবশতঃই তাহা পূর্ণ করে। মহাজ্ঞানের যাচককে দিবার এই রীতি। প্রভু শিবজী এক্ষণে পুনা ও চাকন হারাইয়া সন্ধি প্রার্থনা করিতেও লজ্জাবোধ করেন। কিন্তু ভবাদৃশ মহল্লোক তাঁহার অভিলাষ জানিয়া অনুগ্রহ করিয়া যাহা দান করেন তাহাই শিরোধার্য।”

সায়েন্তা খাঁ আনন্দ সংবরণ করিতে পারিলেন না। বলিলেন, “পণ্ডিতজী, তোমার পাণ্ডিত্যে আমি যে কতদূর পরিতুষ্ট হইলাম বলিতে পারি না। তোমাদিগের সংস্কৃত ভাষা কি সুমধুর ও ভাব-পরিপূর্ণ! যথার্থই কি শিবজী সন্ধির ইচ্ছা করিতেছেন?”

মহাদেওজী বলিলেন, “দিল্লীখবরের সৈন্তের দোদ্দিগু প্রতাপে বিপর্যস্ত ও ব্যতিব্যস্ত হইয়া আমরা কেবল ত্রাহি ত্রাহি এই শব্দ করিতেছি।”

সায়েন্তা খাঁ এবার আহ্লাদ সংবরণ করিতে পারিলেন না, বলিলেন, “ব্রাহ্মণ, আপনার শাস্ত্রালোচনায় সন্তুষ্ট হইলাম। এক্ষণে যদি সন্ধির কথাই বলিতে আসিয়া থাকেন, তবে শিবজী আপনাকে নিযুক্ত করিয়াছেন—তাহার নিদর্শন কৈ?”

ব্রাহ্মণ তখন গম্ভীরভাবে বস্ত্রের ভিতর হইতে নিদর্শনপত্র বাহির করিলেন। অনেকক্ষণ পর্যন্ত সায়েন্তা খাঁ সেইটি দেখিলেন; পরে বলিলেন, “হাঁ, নিদর্শনপত্র দেখিয়া সন্তুষ্ট হইয়াছি। এক্ষণে কি কি প্রস্তাব করিবার আছে বলুন।”

মহাদেওজী। প্রভুর এইরূপ আজ্ঞা যে, যখন প্রথমেই আপনাদিগের জয় হইয়াছে, তখন আর যুদ্ধ করা বৃথা।

সায়েন্তা থা। ভাল।

মহাদেওজী। সুতরাং সন্ধির জ্ঞাতি তিনি উৎসুক হইয়াছেন।

সায়েন্তা থা। ভাল।

মহাদেওজী। এক্ষণে কি কি নিয়মে দিল্লীশ্বরের সন্ধি করিতে সম্মত হইবেন তাহা জানিতে তিনি উৎসুক। জানিলে সেইগুলি পালন করিতে যত্নবান হইবেন।

সায়েন্তা থা। প্রথম কথা দিল্লীশ্বরের অধীনতা স্বীকার। দ্বিতীয়, দিল্লীশ্বরের সেনা যে যে দুর্গ হস্তগত করিয়াছে তাহা দিল্লীশ্বরের থাকিবে। তৃতীয়, সিংহগড় প্রভৃতি আরও কয়েকটি দুর্গ ছাড়িতে হইবে। চতুর্থ, অবশিষ্ট যে যে দুর্গ ও দেশ শিবজী আপন অধীনে রাখিবেন, তাহাও দিল্লীশ্বরের অধীনে জায়গীর স্বরূপ ভোগ করিবেন, তাহার জ্ঞাতি কর দিতে হইবে। যতদিন সন্ধি একেবারে স্থাপন না হয়, ততদিন যুদ্ধ চলিবে। আমরা তোমাদিগের অনিষ্ট করিব, তোমরা পার আমাদিগের অনিষ্ট করিও।

“এবমন্ত্ৰ” বলিয়া ব্রাহ্মণ বিদায় গ্রহণ করিলেন। তাঁহার চক্ষু হইতে অশ্রুকণা বহির্গত হইতেছিল। ব্রাহ্মণ শীঘ্রই বহুজনাকীর্ণ পুনা নগরীর লোকের মধ্যে মিশিয়া গেলেন।



পঞ্চম পরিচ্ছেদ

শুভকার্যের পুরোহিত

ব্রাহ্মণ একাকী অনেকদূর যাইলেন। আকাশ অন্ধকারময়, কেবল দুই-একটি তারা দেখা যাইতেছে। নাগরিক সকলে সুপ্ত, জগৎ নিস্তব্ধ। ব্রাহ্মণের বোধ হইল যেন পশ্চাতে তিনি পদশব্দ শুনিতে পাইলেন। স্থির হইয়া দণ্ডায়মান রহিলেন, কিন্তু সে পদশব্দ আর শুনিতে পাইলেন না।

কিয়ৎক্ষণ পরে ব্রাহ্মণ নিকটবর্তী একটি দ্বারে আঘাত করিলেন। সায়েস্তা খাঁর একজন মহারাষ্ট্রীয় সেনা বাহির হইয়া আসিল। দুইজনে অতি সঙ্কোপনে নগরের মধ্যে অতি

মহারাজ্জীবন-প্রভাত

গোপনীয় ও মনুষ্যের অগম্য স্থানে যাইয়া উপস্থিত হইলেন।
তথায় দুইজনে উপবেশন করিলেন।

ব্রাহ্মণ। সমস্ত প্রস্তুত ?

সেনা। প্রস্তুত।

ব্রাহ্মণ। অনুমতি-পত্র পাইয়াছ ?

সেনা। পাইয়াছি।

আবার অস্পষ্ট পদশব্দ শ্রুত হইল। মহাদেওজী এবার
ক্রোধে আরক্ত নয়ন হইয়া ছুরিকা হস্তে সম্মুখে যাইয়া
দেখিলেন। অন্ধকারে অনেকক্ষণ অপেক্ষা করিলেন। পরে
সেনাকে বলিলেন, “রিক্ত হস্তে আসিয়াছ ?” সেনা বক্ষঃস্থল
হইতে ছুরিকা বাহির করিয়া দেখাইল। ব্রাহ্মণ বলিলেন,
“ভাল, সতর্ক থাকিও। বিবাহ কবে ?”

সেনা। কল্য।

ব্রাহ্মণ। অনুমতি পাইয়াছ ?

সেনা। হাঁ।

ব্রাহ্মণ। কতজন লোকের ?

সেনা। বাজুর দশজন ও অস্ত্রধারী ত্রিশ জন, ইহার
অধিক অনুমতি পাইলাম না।

ব্রাহ্মণ। এই যথেষ্ট। কোন্ সময়ে ?

সেনা। রজনী এক প্রহর।

ব্রাহ্মণ। ভাল, এই দিক হইতে বরযাত্রা আরম্ভ হইবে।

সেনা । স্বরণ আছে ।

ব্রাহ্মণ । জ্ঞাতি কুটুম্ব যত পারিবে জড় করিবে ।

সেনা । স্বরণ আছে ।

ব্রাহ্মণ তখন অল্প হস্তা করিয়া বলিলেন, “আমি সেই শুভকার্য্যের পুরোহিত । সে শুভকার্য্যের ঘটা সমস্ত ভারতবর্ষে রাষ্ট্র হইবে ।”

সহসা সজোরে নিষ্কিপ্ত একটি তীর আসিয়া ব্রাহ্মণের বক্ষঃস্থলে লাগিল । সেই তীরে প্রাণনাশ নিশ্চয় সম্ভব, কিন্তু ব্রাহ্মণের কুর্স্তির নীচে লৌহবর্ষে লাগিয়া তীর পড়িয়া গেল । তারপরে একটি বর্ষা । বর্ষার আঘাতে ব্রাহ্মণ ভূমিতে পতিত হইলেন । কিন্তু হুর্ভেদ্য বর্ষা ভিন্ন হইল না । মহাদেও পুনরায় উঠিলেন, সম্মুখে দেখিলেন নিষ্কোষিত অসি হস্তে একজন মোগল যোদ্ধা । তিনি চাঁদ খাঁ । মহাদেওজী ভূমি হইতে উঠিতে না উঠিতে চাঁদ খাঁ লক্ষ দিয়া তাঁহার উপর আসিয়া পড়িলেন । খড়্গাও বর্ষে লাগিয়া প্রতিহত হইল ।

“কুক্ষণে আমার অনুসরণ করিয়াছিলে ।”—এই বলিয়া মহাদেওজী আপন আস্ত্রিন গুটাইয়া তীক্ষ্ণ ছুরিকা আকাশ পানে উত্তোলন করিলেন । নিমেষমধ্যে বজ্রমুষ্টি চাঁদ খাঁর বক্ষঃস্থলে অবতীর্ণ হইল । চাঁদ খাঁর মৃতদেহ ধরাতলশায়ী হইল ।

ব্রাহ্মণ সেই ছুরিকা পুনরায় লুকাইয়া বলিলেন, “সায়েন্তা খাঁ, মহারাত্রীদিগের নিন্দা করার এই প্রথম ফল ।”



যষ্ঠ পরিচ্ছেদ

রাজা যশোবন্ত সিংহ

রজনী দ্বিপ্রহর সময় রাজপুত্ররাজ যশোবন্ত সিংহ একাকী শিবিরে বসিয়া রহিয়াছেন। হস্তে গণ্ডস্থল স্থাপন করিয়া এই গভীর নিশীথেও তিনি কি চিন্তা করিতেছেন। সম্মুখে কেবল একটি মাত্র দীপ জ্বলিতেছে। সংবাদ আসিল, মহারাষ্ট্রীয় দূত সাক্ষাৎ করিতে আসিয়াছেন।

ধীরে ধীরে মহাদেওজী স্তায়শাস্ত্রী শিবিরে আসিলেন। যশোবন্ত তাঁহাকে সাদরে আহ্বান করিয়া উপবেশন করিতে বলিলেন। উভয়ে উপবেশন করিলেন।

ক্ষণেক যশোবন্ত নিস্তব্ধ হইয়া রহিলেন, কি চিন্তা করিতেছিলেন। মহাদেও নিস্তব্ধে রাজপুতের দিকে স্মৃতিষ্ক দৃষ্টি করিতেছিলেন। পরে যশোবন্ত বলিলেন, “আমি আপনার প্রভুর পত্র পাইয়াছি। তাহাতে যাহা লিখিত আছে অবগত হইয়াছি। তাহা ভিন্ন অন্য কোন প্রস্তাব আছে ?”

মহাদেও। প্রভু আমাকে কোনও প্রস্তাব করিতে পাঠান নাই, খেদ করিতে পাঠাইয়াছেন।

যশোবন্ত। কেবল পুনা ও চাকন দুর্গ আমাদিগের হস্তগত হইয়াছে মাত্র, এই জন্ত খেদ ?

মহাদেও। দুর্গনাশে তিনি ক্ষুব্ধ নহেন, তাঁহার অসংখ্য দুর্গ আছে।

যশোবন্ত। তবে কি জন্ত খেদ করিতেছেন ?

মহাদেও। আপনি রাজপুত, মহারাষ্ট্রীয়রা রাজপুত-পুত্র। পিতা-পুত্রে যুদ্ধ সম্ভবে না, স্বয়ং ভবানী এ যুদ্ধ নিষেধ করিয়াছেন। আপনি আত্মা করুন, আমরা পালন করিব। রাজপুতের গৌরবই অনাথ ভারতবর্ষের একমাত্র গৌরব। রাজপুতের যশোগীত আমাদিগের রমণীগণ এখনও গাইয়া থাকে। রাজপুতদিগের উদাহরণ দেখিয়া আমাদের বালকগণ শিক্ষিত হয়। ক্ষত্রকুলভিলক। রাজপুত-শোণিতে আমাদিগের খড়্গা রঞ্জিত হইবার পূর্বে যেন মহারাষ্ট্র নাম লুপ্ত হয়।

যশোবন্ত সিংহ ধীরে ধীরে বলিলেন, “দূতপ্রধান ! তোমার কথাগুলি বড় মিষ্ট, কিন্তু আমি দিল্লীশ্বরের অধীন । মহারাষ্ট্রের সহিত যুদ্ধ করিব বলিয়া আসিয়াছি, মহারাষ্ট্রের সহিত যুদ্ধ করিব ।”

মহাদেও । এবং শত শত স্বধর্মীকে নাশ করিবেন । হিন্দু হিন্দুর মস্তকচ্ছেদন করিবে । ব্রাহ্মণ ব্রাহ্মণের বক্ষে ছুরী বসাইবে, ক্ষত্রিয়ের শোণিতস্রোতে ক্ষত্রিয় শোণিতস্রোত মিশাইবে, শেষে স্নেহ সন্ত্রাটের সম্পূর্ণ জয় হইবে ।

যশোবন্ত । কেবল দিল্লীশ্বরের জয়ের জন্য যুদ্ধ নহে, আমি তোমার প্রভুর সহিত কিরূপে মিত্রতা করিব ? শিবজী বিদ্রোহাচারী, চতুর শিবজী অত্যাচার অঙ্গীকার অনায়াসে কলাভঙ্গ করে ।

এবার ব্রাহ্মণের নয়ন প্রজ্বলিত হইল । তিনি ধীরে ধীরে বলিলেন, “মহারাজ, সাবধান ! অলীক নিন্দা আপনাকে সাজে না । শিবজী কবে হিন্দুর নিকট যে বাক্যদান করিয়াছেন তাহার অন্তর্থা করিয়াছেন ? তবে মুসলমানদিগের সহিত যুদ্ধ ! জেতা ও বিজেতাদিগের মধ্যে কবে কোন্ দেশে সখ্যতা ? বজ্রনখ যখন সর্পকে ধারণ করে, সর্প সে সময় মৃতবৎ হইয়া থাকে ; মৃত বলিয়া তাহাকে পরিত্যাগ করিবারাত্র জর্জরিত-শরীর নাগরাজ সময় পাইয়া দংশন করে । ইহা বিদ্রোহাচরণ, না স্বভাবের রীতি ? যাবতীয় জীবজন্তুকে জগদীশ্বর যে

প্রাণরক্ষার যত্ন ও উপায় শিখাইয়াছেন, মনুষ্যকে কি তিনি সে উপায় শিখান নাই? আমাদের প্রাণের প্রাণ, জীবনের জীবনস্বরূপ—স্বাধীনতা। যে উপায়ে সেই জীবনস্বরূপ স্বাধীনতা রক্ষা করিতে পারি, স্বধর্ম ও জাতি-গৌরব রক্ষা করিতে পারি, সে উপায় কি চতুরতা? সে উপায় কি নিন্দনীয়?”

মহাদেওজীর জ্বলন্ত নয়নদ্বয় জলে প্রাবিত হইল। ব্রাহ্মণের চক্ষে জল দেখিয়া যশোবন্ত সিংহ বেদনা পাইলেন। যশোবন্ত হস্তে ললাটস্থাপন করিয়া একাগ্রচিত্তে চিন্তা করিতে লাগিলেন। মহাদেও দেখিলেন তাঁহার বাক্যগুলি নিতান্ত নিষ্ফল হয় নাই। আবার ধীরে ধীরে বলিতে লাগিলেন, “আপনি হিন্দুশ্রেষ্ঠ, হিন্দুগৌরবসাধনে সন্দেহ করিতেছেন কেন? হিন্দুধর্মের জয় অবশ্যই আপনি ইচ্ছা করেন। শিবজীর ইহা ভিন্ন অন্য ইচ্ছা নাই।”

যশোবন্ত বলিলেন, “দ্বিজবর! আর বলিবেন না, যথেষ্ট হইয়াছে। অত্যাধি শিবজী আমার মিত্র। অদ্যাবধি শিবজীর পণ ও আমার পণ এক। শিবজীর চেষ্টা ও আমার চেষ্টা অভিন্ন।”

ব্রাহ্মণ-বেশধারী দূত তখন ব্রাহ্মণ-বেশ ত্যাগ করিলেন। ব্রাহ্মণের উষ্মীষের নীচে যোদ্ধার শিরস্ত্রাণ দৃষ্ট হইল। তুলার কুর্স্তির নীচে লৌহবর্ম প্রকাশিত হইল। মহারাষ্ট্রীয় বীর ধীরে

মহারাষ্ট্র জীবন-প্রভাত

খীরে বলিলেন, “রাজন্ ! ছদ্মবেশ ধারণ করিয়া আপনার নিকট আসিয়াছিলাম । সে দোষ গ্রহণ করিবেন না । এ দাস ব্রাহ্মণ নহে, মহারাষ্ট্রীয় ক্ষত্রিয় ; নাম মহাদেওজী নহে, দাসের নাম শিবজী ।”

যশোবন্ত সিংহ বিস্ময়ে ও হর্ষোৎফুল্ল লোচনে গাত্রোত্থান করিয়া সানন্দে ও সজল নয়নে সেই পরম শত্রুকে আলিঙ্গন করিলেন । শিবজীও সম্মান ও প্রণয়ের সহিত খ্যাতনামা রাজপুত্র-বীরকে আলিঙ্গন করিলেন ।



সপ্তম পরিচ্ছেদ

শিবজী

পূর্বদিকে রক্তিমচ্ছটা দেখা যাইতেছে, এমন সময়ে ব্রাহ্মণ-বেশধারী শিবজী সিংহগড়ে প্রবেশ করিলেন। উষ্ম ও তুলার কুর্তি ফেলিয়া দিলেন। প্রাতঃকালের আলোকে মস্তকের লৌহ শিরস্ত্রাণ ও শরীরের বর্ষ ঝক্‌ঝক্‌ করিয়া উঠিল। বন্ধঃস্থলে, তীক্ষ্ণ ছুরিকা, কোষে “ভবানী” নামক প্রসিদ্ধ খড়্গা। বন্ধঃস্থল বিশাল, শরীর ঈষৎ ঝক্‌ঝক্‌ বটে, কিন্তু সুস্বচ্ছ, সুদৃঢ় বন্ধনী ও পেশীগুলি বর্মের নীচ হইতেও দেখা যাইতেছে।

মহারাষ্ট্র জীবন-প্রভাত

পেশোয়া মুরেশ্বর ত্রিমূল সানন্দে তাঁহাকে আহ্বান করিয়া বলিলেন, “ভবানীর জয় হউক ! আপনি এতক্ষণ পরে কুশলে ফিরিয়া আসিলেন।”

শিবজী। আপনার আশীর্ব্বাদে কোন্ বিপদ হইতে উদ্ধার না পাইয়াছি ?

মুরেশ্বর। সমস্ত স্থির হইয়াছে ?

শিবজী। সমস্ত।

মুরেশ্বর। অত্ন রাত্রে বিবাহ ?

শিবজী। অত্নই।

মুরেশ্বর। সায়েস্তা খাঁ কিছু জানেন না ? তীক্ষ্ণবুদ্ধি চাঁদ খাঁ কিছু জানেন না ?

শিবজী। সায়েস্তা খাঁ ভীত শিবজীর নিকট হইতে সন্ধি-প্রার্থনা প্রতীক্ষা করিতেছেন। যোদ্ধা চাঁদ খাঁ চিরনিদ্রায় নিদ্রিত। তিনি আর যুদ্ধ করিবেন না।

মুরেশ্বর। রাজা যশোবন্ত ?

শিবজী। আপনি পত্রে যে সমস্ত যুক্তি দেখাইয়াছিলেন তাহাতেই তাঁহার মন বিচলিত হইয়াছিল। আমি যাইয়াই দেখিলাম তিনি কিংকর্তব্যবিমূঢ় হইয়া রহিয়াছেন। সুতরাং অনায়াসেই আমার কার্য্য সিদ্ধ হইল।

মুরেশ্বর। ভবানীর জয় হউক। আপনি একরাত্রিতে একাকী যে কার্য্যসাধন করিলেন, তাহা সহস্রের অসাধ্য।

সূর্য্য অস্তাচল-চূড়া অবলম্বন করিয়াছেন, সিংহগড় দুর্গের ভিতর সৈন্যগণ নিঃশব্দে সজ্জিত হইতেছে।

কেবল বিংশ বা পঞ্চবিংশ সেনা লইয়া শিবজী আজ শত্রু-সেনার মধ্যে যাইয়া আক্রমণ করিবেন। এইরূপ ভীষণ কার্য্যে শিবজী কখনও লিপ্ত হইয়াছেন কিনা সন্দেহ। সমস্ত সেনা সজ্জিত। শিবজী নিঃশব্দে অশ্বারোহণ করিলেন। নিঃশব্দে সৈন্যগণ দুর্গদ্বার অতিক্রম করিল। দুর্গদ্বার অতিক্রম করিবার সময়ে একজন অতি অল্পবয়স্ক যোদ্ধা শিবজীর সম্মুখে আসিয়া শির নামাইল। শিবজী তাহাকে চিনিলেন; জিজ্ঞাসা করিলেন, “রঘুনাথজী হাবিলদার! এ সময়ে তোমার কি প্রার্থনা?”

রঘুনাথ। প্রভু! যেদিন তোরণ দুর্গ হইতে পত্নাদি আনিয়াছিলাম, সেদিন প্রসন্ন হইয়া পুরস্কার অঙ্গীকার করিয়াছিলেন।

শিবজী। অতঃ এই উৎকট ব্যাপারের প্রারম্ভে কি পুরস্কার চাহিতে আসিয়াছ?

রঘুনাথ। এই পুরস্কার চাই যে, ঐ উৎকট ব্যাপারে আমাকে যাইতে দিন। যে পঞ্চবিংশতি মাউলী যোদ্ধার সহিত পুনানগরে প্রবেশ করিবেন, দাসকে তাহাদের সহিত যাইতে আদেশ করুন।

অল্পবয়স্ক যোদ্ধার এই কথা শুনিয়া ও উদার মুখমণ্ডল দেখিয়া শিবজী সন্তুষ্ট হইলেন ও সঙ্গে পুনার ভিতর যাইতে

অমুমতি দিলেন। রঘুনাথ আবার শির নত করিয়া পরে লক্ষ্য দিয়া অশ্বে আরোহণ করিলেন।

সিংহগড় হইতে পুনা পর্য্যন্ত সমস্ত পথে শিবজী নিজ সৈন্য রাখিলেন। সন্ধ্যার ছায়ায় নিঃশব্দে সেই পথের স্থানে স্থানে সেনা সন্নিবেশ করিতে লাগিলেন। একটি দীপ জ্বলিলে বা সৈন্যেরা শব্দ করিলে পুনায়ে তাঁহার এই কার্য্য প্রকাশ হইতে পারে, সুতরাং নিঃশব্দে অন্ধকারে সৈন্য সন্নিবেশ করিতে লাগিলেন।

শিবজী, তন্নজী ও যশোজী পঁচিশ জন মাত্র মাউলী লইয়া পুনার নিকটে একটি বৃহৎ বাগানে পৌঁছিয়া তথায় লুক্কায়িত রহিলেন। রঘুনাথ ছায়ার মত প্রভুর পশ্চাৎ পশ্চাৎ রহিলেন।

ঢং ঢং ঢং শব্দ হইল। শিবজী চাহিয়া দেখিলেন বহু লোকে দীপাবলী লইয়া বাজ করিতে করিতে প্রশস্ত পথ দিয়া আসিতেছে ;—এই বরযাত্রা !

বরযাত্রা নিকটে আসিল। পুনার চারিদিকে প্রাচীর নাই, স্পষ্ট দেখা যাইতেছে। পথ লোক-সমাকীর্ণ ও নানা বাজযন্ত্র দ্বারা অতি উচ্চরব হইতেছে। অনেক অশ্বারোহী, অধিকাংশ পদাতিক।

শিবজী নিঃশব্দে বাল্যসুহৃৎ তন্নজী ও যশোজীকে আলিঙ্গন করিলেন। পরস্পরে পরস্পরের দিকে চাহিলেন মাত্র। “হয়ত এই শেষ বিদায়”—এই ভাব সকলের মনে জাগরিত হইল ও নয়নে ব্যক্ত হইল। কিন্তু বাক্য অনাবশ্যক। নিঃশব্দে

শিবজী ও তাঁহার লোক সেই বরযাত্রীদিগের সহিত মিশিয়া গেলেন ।

যাত্রিগণ সায়েস্তা খাঁর বাটীর নিকট দিয়া যাইল । বাটীর কামিনীগণ গবাক্ষে আসিয়া সেই বহুলোকের সমারোহ দেখিতে লাগিলেন । ক্রমে যাত্রিগণ চলিয়া গেল, কামিনীগণও শয়ন করিতে গেলেন । যাত্রীদিগের মধ্যে প্রায় ত্রিংশৎ জন খাঁ সাহেবের গৃহের নিকট লুকাইত রহিল, তাহা কেহ দেখিতে পাইল না । ক্রমে বরযাত্রার গোল থামিয়া গেল ।

রজনী আরও গভীর হইল । সায়েস্তা খাঁর রন্ধনগৃহের উপর একটি গবাক্ষ ছিল । তথায় অল্প অল্প শব্দ হইতে লাগিল । খাঁ সাহেবের পরিবারের কামিনীগণ সকলে নিদ্রিত অথবা নিদ্রালু ; সে শব্দ শুনিয়াও গ্রাহ্য করিলেন না ।

একখানি ইষ্টকের পর একখানি, পরে আর একখানি সরিল, খুর-খুর করিয়া বালু পড়িল, নারীগণ তখন সন্দিগ্ধ হইয়া সেই স্থান দেখিতে আসিলেন । ছিদ্রের ভিতর দিয়া একজন, পরে আর একজন, পরে আর একজন যোদ্ধা—পিপীলিকা-সারির জায় গৃহে প্রবেশ করিতেছে ! তখন চীৎকার শব্দ করিয়া, যাইয়া সায়েস্তা খাঁর নিদ্রাভঙ্গ করিয়া তাঁহাকে সমুদায় অবগত করিলেন ।

শিবজী সন্ধি-প্রার্থনার মিনতি করিতেছেন, খাঁ সাহেব এক্রূপ স্বপ্ন দেখিতেছিলেন । সহসা জাগরিত হইয়া গুনিলেন,

শিবজী পুনা হস্তগত করিয়া তাঁহার প্রাসাদ আক্রমণ করিয়াছেন। পলায়নার্থে এক দ্বারে আসিলেন, দেখিলেন বর্মধারী মহারাষ্ট্রীয় যোদ্ধা! অগ্নি দ্বারে আসিলেন, তাহাই দেখিলেন। সভয়ে সমস্ত দ্বার রুদ্ধ করিলেন। গবাক্ষ দিয়া পলাইবার উপক্রম করিতেছিলেন, এমত সময়ে শুনিলেন “হর হর মহাদেও” বলিয়া মহারাষ্ট্রীয়গণ পার্শ্বের গৃহ পরিপূর্ণ করিল।

শীঘ্রই ভীষণরবে সেই প্রাসাদ পরিপূরিত হইল। প্রাসাদের আলোক নির্ব্বাণ হইয়াছে। অন্ধকারে মাউলীগণ চীৎকার করিয়া যুদ্ধ করিতে লাগিল। শিবজী ভীষণ বর্ষাঘাতে দ্বার ভগ্ন করিয়া সায়েস্তা খাঁর শয়নগৃহে আসিয়া পড়িলেন। সেনাপতির রক্ষার্থে কয়েকজন মোগল সেই ঘরে ধাবমান হইল। শিবজী দেখিলেন, সম্মুখে মৃত চাঁদ খাঁর বিক্রমশালী পুত্র শম্শের খাঁ। শম্শের খাঁর নয়ন অগ্নিবৎ জ্বলন্ত। শিবজী আত্মরক্ষার প্রয়াস পাইবার পূর্বেই শম্শেরের উজ্জল খড়্গা আপন মস্তকোপরি দেখিলেন। শিবজী মুহূর্ত্তের জন্য প্রাণের আশা ত্যাগ করিয়া ইষ্টদেবতা ভবানীর নাম লইলেন। সহসা দেখিলেন পশ্চাৎ দিক হইতে একটি বর্ষা আসিয়া খড়্গধারী শম্শেরকে ভূতলশায়ী করিল। পশ্চাতে দেখিলেন রঘুনাথজী হাবিলদার।

“হাবিলদার! এ কার্য্য আমার স্মরণে থাকিবে।” কেবল

এইমাত্র বলিয়া শিবজী অগ্রসর হইলেন। এই অবসরে গবাঙ্ক দিয়া রজ্জু অবলম্বন করিয়া সায়েস্তা খাঁ পলাইলেন। কয়েক জন মাউলী সেই গবাঙ্কমুখে ধাবমান হইয়াছিল; একজন খড়্গের আঘাত করিয়াছিল; তাহা সায়েস্তা খাঁর অঙ্গুলীতে লাগিয়া একটি অঙ্গুলী ছেদন করিল, কিন্তু সায়েস্তা খাঁ আর পশ্চাতে না দেখিয়া পলায়ন করিলেন।

তখন শিবজী দেখিলেন ঘর, প্রাঙ্গণ, বারাণ্ডা রক্তে রঞ্জিত হইয়াছে, স্থানে স্থানে প্রহরীগণের মৃতদেহ পতিত রহিয়াছে। স্ত্রীলোক ও পলাতকগণের আর্তনাদে প্রাসাদ পরিপূর্ণিত হইতেছে, মাউলীগণ মোগলদিগের ধ্বংস সাধনার্থে চারিদিকে ধাবমান হইতেছে। তখন শিবজী আপন মাউলীদিগকে নিকটে ডাকিলেন। সকল সময়ে, সকল যুদ্ধেই তিনি জয়লাভ করিলে পর বৃথা প্রাণনাশ দেখিলে বিরক্ত হইতেন। শিবজী আদেশ করিলেন, “আমাদের কার্য্য সিদ্ধ হইয়াছে। ভীকু সায়েস্তা খাঁ আর আমাদের সহিত যুদ্ধ করিবে না। এক্ষণে দ্রুতবেগে সিংহগড়ের দিকে চল।”



অষ্টম পরিচ্ছেদ

রাজা জয়সিংহ

আরঞ্জীব সায়েস্তা খাঁ ও যশোবন্ত সিংহ উভয়কেই 'অকর্ষণ্য বিবেচনা করিয়া তাঁহাদিগকে স্থানান্তরিত করিয়া অম্বরাধিপতি প্রসিদ্ধনামা রাজা জয়সিংহ ও তাঁহার সহিত দিলওয়ার খাঁ নামক একজন বিক্রমশালী আফগান সেনাপতিকে দক্ষিণে প্রেরণ করিলেন। ১৬৬৫ খৃঃ অব্দের চৈত্র মাসের শেষযোগে জয়সিংহ পুনরায় উপস্থিত হইলেন। সায়েস্তা

খাঁর শ্রায় নিরুৎসাহ হইয়া বসিয়া না থাকিয়া তিনি দিলওয়ার খাঁকে পুরন্দর দুর্গ আক্রমণ করিতে আদেশ করিলেন, এবং স্বয়ং সিংহগড় বেটন করিয়া রাজগড় পর্য্যন্ত সৈন্যে অগ্রসর হইলেন।

শিবজী হিন্দু-সেনাপতির সহিত যুদ্ধ করিতে পরাভূত, বিশেষ জয়সিংহের নাম, সৈন্য-সংখ্যা, তীক্ষ্ণবুদ্ধি ও দোর্দণ্ড-প্রতাপ তাঁহার নিকট অবিদিত ছিল না। সেরূপ পরাক্রান্ত সেনাপতি বোধ হয় সম্রাট আরংজীবের আর কেহই ছিল না। তৎকালিক ফরাসি ভ্রমণকারী বের্নৌয়ে লিখিয়া গিয়াছেন যে, সমগ্র ভারতবর্ষে জয়সিংহের শ্রায় বিচক্ষণ, বুদ্ধিমান, দূরদর্শী লোক আর একজনও ছিলেন না।

বর্ষাকালে রাজা জয়সিংহ আপন শিবিরে সভার মধ্যে বসিয়া রহিয়াছেন, একজন প্রহরী আসিয়া সংবাদ দিল, “মহারাজের জয় হউক; রাজা শিবজী স্বয়ং বহির্দ্বারে দণ্ডায়মান রহিয়াছেন। মহারাজের সহিত সাক্ষাৎ প্রার্থনা করিতেছেন।” সভাসদ সকলে বিস্মিত হইলেন। রাজা জয়সিংহ স্বয়ং শিবজীকে আহ্বান করিতে শিবিরের বাহিরে যাইলেন। বহু সমাদর পূর্বক তাঁহাকে আহ্বান ও আলিঙ্গন করিয়া শিবিরান্তরে আনিলেন ও রাজগড়িতে আপনার দক্ষিণ দিকে বসাইলেন।

শিবজীও এইরূপ সমাদর পাইয়া যথেষ্ট সন্মানিত হইলেন।

রাজা জয়সিংহ ক্রণেক মিষ্টালাপ করিয়া অবশেষে বলিলেন, “রাজন, আপনি আমার শিবিরে আসিয়া আমাকে সম্মানিত করিয়াছেন। এই শিবির আপনার গৃহের স্থায় বিবেচনা করিবেন।”

শিবজী। রাজন্! এদাস কবে আপনার আজ্ঞা পালনে বিমুখ? রঘুনাথ পশ্চ দ্বারা আপনি দাসকে আসিতে আদেশ করিয়াছিলেন। দাস উপস্থিত হইয়াছে। আপনার মহৎ আচরণে আমিই সম্মানিত হইয়াছি।

জয়সিংহ। হাঁ, রঘুনাথ স্নায়শাস্ত্রীকে যাহা বলিয়াছিলাম, তাহা স্মরণ আছে। রাজন্! আমি যাহা বলিয়াছিলাম, তাহা করিব। দিল্লীস্থর আপনার বিদ্রোহাচরণ মার্জনা করিবেন, আপনাকে রক্ষা করিবেন, আপনাকে যথেষ্ট সম্মান করিবেন, এবিষয় আমি বাক্যদান করিয়াছি। রাজপুতের কথা অশ্রুতা হয় না।

এইরূপে ক্রণেক কথোপকথনের পর সভা ভঙ্গ হইল। শিবিরে জয়সিংহ ও শিবজী ভিন্ন কেহই রহিল না। তখন শিবজী কপট আনন্দ-চিহ্ন ত্যাগ করিলেন। হস্তে গণ্ডস্থল স্থাপন করিয়া চিন্তা করিতে লাগিলেন। জয়সিংহ দেখিলেন, তাঁহার চক্রে জল।

জয়সিংহ। রাজন্! আপনি যদি আত্মসমর্পণ করিয়া ক্ষুণ্ণ হইয়া থাকেন, তবে সে খেদ নিম্প্রয়োজন। আপনি

বিশ্বাস করিয়া আমার নিকটে আসিয়াছেন। রাজপুত বিশ্বস্তের উপর হস্তক্ষেপ করিবে না, ক্ষত্রিয়ধর্ম কদাচ বিশ্বত হইবে না।

শিবজী। মহারাজ! ভবাদৃশ লোকের নিকট পরাজয় স্বীকার করিয়া আত্মসমর্পণ করিয়াছি তাহাতে খেদ নাই। বাল্যকাল অবধি যে হিন্দুধর্মের জন্ম, যে হিন্দু-গৌরবের জন্ম চেষ্টা করিয়াছি, সে মহৎ উত্তম, সে উন্নত উদ্দেশ্য শেষ হইল, সেই চিন্তায় হৃদয় বিদীর্ণ হইতেছে। কিন্তু সেজন্মও এখন খেদ করিতেছি না।

জয়সিংহ। তবে কি জন্ম ক্ষুণ্ণ হইয়াছেন?

শিবজী। বাল্যকাল হইতে আপনাদের গৌরব-গীত গাইতে ভালবাসিতাম। অল্প দেখিলাম সে গীত মিথ্যা নহে। জগতে যদি মাহাত্ম্য, সত্য, ধর্ম থাকে, তবে রাজপুত-শরীরে আছে। এ রাজপুত কি যবনের অধীনতা স্বীকার করিবেন? মহারাজ জয়সিংহ কি যবন আরংজীবের সেনাপতি?

জয়সিংহ। ক্ষত্রিয়রাজ! সেটি প্রকৃত দুঃখের কারণ। কিন্তু রাজপুতেরা সহজে অধীনতা স্বীকার করে নাই, যত দিন সাধ্যা দিল্লীর সহিত যুদ্ধ করিয়াছিল। বিধির নির্বন্ধে পরাধীন হইয়াছে। যখন দিল্লীশ্বরের সেনাপতিত্ব গ্রহণ করিয়াছি, তখন তাঁহার কার্যসিদ্ধির জন্ম সত্যদান করিয়াছি।

শিবজী । সকলের নিকট সকল সময় কি সত্য পালনীয় ?

জয়সিংহ । আপনি ক্ষত্রিয় হইয়া একথা জিজ্ঞাসা করিতেছেন ? রাজপুতের ইতিহাস পাঠ করুন, তাহারা কখনও সত্য লঙ্ঘন করে নাই । মহারাজ্জীবন ! রাজপুতের কথাই সন্ধিপত্র । অনেক সন্ধিপত্র লঙ্ঘন হইয়াছে, রাজপুতের কথা লঙ্ঘন হয় নাই ।

চতুর শিবজী দেখিলেন, জয়সিংহ যশোবন্ত সিংহ নহেন । ক্রণেক পরে বলিলেন, “হিন্দুধর্মের উন্নতির চেষ্টা কি গহিত কার্য্য ? হিন্দুকে ভ্রাতা মনে করিয়া সহায়তা করা কি গহিত কার্য্য ?”

জয়সিংহ । আমি তাহা বলি নাই । সম্রাটের কার্য্যে থাকিয়া গোপনে বিরুদ্ধাচরণ করা কপটাচরণ ।

শিবজী ধীরে ধীরে বলিলেন, “মহারাজ, আমি আপনাকে পিতৃতুল্য জ্ঞান করি । আপনার ন্যায় ধর্ম্মজ্ঞ, তীক্ষ্ণবুদ্ধি যোদ্ধা আমি কখনও দেখি নাই । আমি আপনার পুত্রতুল্য । একটি কথা জিজ্ঞাসা করিব । আপনি পিতৃতুল্য, সৎ-পরামর্শ দিন । আমি বাল্যকালে যখন কঙ্কণ প্রদেশের অসংখ্য পর্ব্বত ও উপত্যকায় ভ্রমণ করিতাম, আমার হৃদয়ে চিন্তা আসিত, স্বপ্ন উদ্ভিত হইত—যেন সাক্ষাৎ ভবানী আমাকে স্বাধীনতা স্থাপনের জন্ত আদেশ করিতেছেন । যৌবনেও সেই স্বপ্ন দেখিয়াছি,—হিন্দুনাগের গৌরব, হিন্দুধর্ম্মের প্রাধান্য, হিন্দু-

স্বাধীনতা সংস্থাপন। সেই স্বপ্নবলে দেশ জয় করিয়াছি, শত্রু জয় করিয়াছি, রাজ্য বিস্তার করিয়াছি, দেবালয় স্থাপন করিয়াছি। ক্ষত্রিয়রাজ! আমার এ উদ্দেশ্য কি মন্দ? এ স্বপ্ন কি অলীক স্বপ্নমাত্র? আপনি পুত্রকে উপদেশ দিন।”

বহুদূরদর্শী ধর্মপরায়ণ রাজা জয়সিংহ ক্ষণেক নিস্তব্ধ হইয়া রহিলেন, পরে গম্ভীরস্বরে ধীরে ধীরে বলিলেন, “রাজন্। আপনার উদ্দেশ্য অপেক্ষা মহত্তর উদ্দেশ্য আমি জানি না। বোধ হয়, মোগল-রাজ্য আর থাকে না, যত্ন-চেষ্টা সকলই বিফল, মুসলমান-রাজ্য কলঙ্করাশিতে পূর্ণ হইয়াছে, বিলাস-প্রিয়তায় জর্জরিত হইয়াছে। পতনোন্মুখ গৃহের গায় আর দাঁড়াইতে পারে না। শীঘ্র কি বিলম্বে এই প্রাসাদতুল্য মোগল-রাজ্য বোধ হয় ধূলিসাৎ হইবে। তাহার পর পুনরায় হিন্দুর প্রাধান্য। মহারাষ্ট্রীয় জীবন অকুরিত হইতেছে, মহারাষ্ট্রীয় যৌবন-তেজে বোধ হয় ভারতবর্ষ প্রাবিত হইবে। শিবজী! আপনার স্বপ্ন—স্বপ্ন নহে, ভবানী আপনাকে মিথ্যা উত্তেজনা করেন নাই। আপনি হিন্দু-শ্রেষ্ঠ, আপনার মহৎ উদ্দেশ্যে আমি শতবার ধন্যবাদ করিয়াছি। আপনি এই উন্নত শিক্ষা না দিলে কে দিবে? মহারাষ্ট্রের শিক্ষাগুরু! সাবধান, আপনার প্রত্যেক কার্যের ফল বহুকালব্যাপী বহুদেশব্যাপী হইবে।”

এই মহৎ বাক্য শুনিয়া শিবজী ক্ষণেক স্তম্ভিত রহিলেন ;

শেষে বলিলেন, “আপনি গুরুর গুরু, আপনার উপদেশগুলি শিরোধার্য। কিন্তু অতীত আমি আরংজীবের অধীনতা স্বীকার করিলাম, শিক্ষা কবে দিব ?”

জয়সিংহ। জয়পেরাজয়ের স্থিরতা নাই। অতীত আমার জয় হইল, কল্য আপনার জয় হইতে পারে। অতীত আপনি আরংজীবের অধীন হইলেন, ঘটনাক্রমে কাল আপনি স্বাধীন হইতে পারেন।

শিবজী। জগদীশ্বর তাহাই করুন; কিন্তু আপনি আরংজীবের সেনাপতি থাকিতে আমার স্বাধীন হওয়ার আশা বৃথা। স্বয়ং ভবানী হিন্দু-সেনাপতির সহিত যুদ্ধ করিতে নিষেধ করিয়াছেন।

জয়সিংহ ঈষৎ হাসিয়া বলিলেন, “শরীর ক্ষণভঙ্গুর, এ বৃদ্ধ শরীর কতদিন থাকিবে? কিন্তু ক্ষত্রিয়-প্রবর! নিশ্চিন্ত থাকুন, মহারাষ্ট্রের গৌরব ও হিন্দুর প্রাধান্য অনিবার্য। বৃদ্ধের বচন গ্রাহ্য করুন, অচিরে দেশে দেশে আপনার গৌরব নাম প্রতিধ্বনিত হইবে।”

শিবজী অশ্রুপূর্ণলোচনে জয়সিংহকে আলিঙ্গন করিয়া বলিলেন, “ধর্ম্মাত্মন! আপনার মুখে পুষ্পচন্দন পড়ুক, আপনার কথাই যেন সার্থক হয়।”



নবম পরিচ্ছেদ

পুনর্মিলন

তোরণ ছুর্গে সেই দেবমন্দিরে সরযু একাকিনী দিন অতিবাহিত করিতে লাগিলেন। মধ্যে মধ্যে সেই তরুণ যোদ্ধার কথা সরযুর হৃদয়ে জাগরিত হইত। তিনি চিন্তা করিতেন, সেই তরুণ যোদ্ধা এতদিন যুদ্ধের উল্লাসে মত্ত হইয়াছেন—এ তোরণ ছুর্গের কথা কি ভাবেন? কখনও সরযুকে কি হৃদয়ে স্থান দেন?

এইরূপে এক মাস, দুই মাস, তিন মাস অতীত হইল, বৎসর অতিবাহিত হইল, কিন্তু সরযুর কল্লনালহরী শেষ হইল না। কল্লনা কি মায়াবিনী?


একদিন সন্ধ্যার সময় সরযু সেই পুষ্পোচ্চানে পুষ্প তুলিতেছেন, এবং মধ্যে মধ্যে কি মনে করিয়া হৃদয়ের সেই কণ্ঠহারের দিকে লক্ষ্য করিতেছেন। এরূপ সময়ে দ্বারদেশে একজন তরুণ রাজপুত্র যোদ্ধা অশ্ব হইতে অবতরণ করিলেন। সরযু সেই দিকে চাহিয়া শিহরিয়া উঠিলেন, আর নয়ন ফিরাইতে পারিলেন না।

যোদ্ধাও সেই লজ্জা-রঞ্জিত মুখখানি দেখিয়া বাক্যশূন্য ও নিশ্চেষ্ট হইয়া রহিলেন,—যেন উভয়ে জাগ্রত স্বপ্ন দেখিতেছেন। ক্ষণেক পর সরযুবালা অবনতমুখী হইয়া মন্দিরে প্রবেশ করিলেন ও পিতাকে রঘুনাথের আগমনসংবাদ দিলেন।

রঘুনাথ জনার্দনদেবকে সমস্ত সমাচার জ্ঞাত করাইলেন। সায়েস্তা খাঁ পরাস্ত হইয়া দিল্লী প্রত্যাবর্তন করিয়াছেন; শিবজী রাজ-উপাধি গ্রহণ করিয়াছেন। কিন্তু দিল্লীস্থর শিবজীকে জয় করিবার জন্য মহাপরাক্রান্ত রাজা জয়সিংহকে প্রেরণ করিতেছেন। শিবজী স্বজাতির সহিত যুদ্ধ করিবেন না; সম্ভবতঃ সন্ধি করিবেন, এবং এই কার্য্য সম্পাদনার্থ জনার্দনদেবকে স্মরণ করিয়াছেন। রাজার আজ্ঞায় রঘুনাথ পুরোহিতকে লইতে আসিয়াছেন।

তারপর রঘুনাথ অত্যাশ্চর্য কথা কহিতে লাগিলেন। দেশের কথা, জাতিকুলের পরিচয়, পিতামাতার পরিচয় দিলেন। জনার্দনও রঘুনাথের উন্নত কুলের পরিচয় পাইয়া এবং যুবকের বীৰ্য্য, সৌন্দর্য্য ও বিনয় আলোচনা করিয়া তুষ্ট হইলেন, পরে রঘুনাথকে আলিঙ্গন করিয়া বলিলেন, “সরযুকে, আমি কন্যা বলিয়া গ্রহণ করিয়াছি, তোমাকেও আজি পুত্র বলিয়া গ্রহণ করিলাম। তুমি যশস্বী হও।”

এই কথা শুনিয়া রঘুনাথের চক্ষুতে জল আসিল, ধীরে ধীরে পুরোহিতের চরণতলে প্রণত হইয়া কহিলেন, “পিতা, আশীর্ব্বাদ করুন যেন এ দরিদ্র সৈনিক আপনার অভিশাপ পূর্ণ করিতে পারে।”



দশম পরিচ্ছেদ

দুর্গ বিজয়

জয়সিংহের চেষ্টায় দিল্লীখবরের সহিত শিবজীর শীঘ্রই সন্ধি স্থাপন হইল। শিবজী মোগলদিগের নিকট হইতে যে যে দুর্গ জয় করিয়াছিলেন তাহা ফিরাইয়া দিলেন। বিলুপ্ত আহম্মদনগর রাজ্যের মধ্যে যে দ্বাত্রিংশৎ দুর্গ অধিকার বা নিৰ্ম্মাণ করিয়াছিলেন, তাহার মধ্যেও বিংশটি ফিরাইয়া দিলেন। অবশিষ্ট দ্বাদশটি মাত্র আরঞ্জীবের অধীনে জায়গীর-স্বরূপ রাখিলেন।

শিবজীর সহিত যুদ্ধ সমাপ্তির পর রাজা জয়সিংহ বিজয়পুরের রাজ্য ধ্বংস করিয়া সেই প্রদেশ দিল্লীশ্বরের অধীনে আনিবার যত্ন করিতে লাগিলেন। শিবজী এক্ষণে জয়সিংহের পক্ষাবলম্বন করিয়া বিজয়পুরের সুলতান আলী আদিল সাহের সহিত যুদ্ধারম্ভ করিলেন, এবং আপন মাউলী সৈন্য দ্বারা বহু সংখ্যক দুর্গ হস্তগত করিলেন।

অল্প দিনমধ্যে বিজয়পুরের অধীনস্থ অনেকগুলি দুর্গ হস্তগত করিয়া শিবজী অবশেষে একটি অতিশয় দুর্গম পর্বতদুর্গ লইবার মানস করিলেন। তিনি কবে কোন্ দুর্গ আক্রমণ করিবেন, পূর্বের কাহাকেও তাহার সংবাদ দিতেন না। নিজের সৈন্যরাও পূর্বের কিছুমাত্র জানিতে পারিত না। সায়ংকালে এক সহস্র মাউলী ও মহারাষ্ট্রীয় সেনাকে প্রস্তুত হইতে কহিলেন। এক প্রহর রজনীর সময় গভীর অন্ধকারে প্রকাশ করিলেন যে, রুদ্রমণ্ডল দুর্গ আক্রমণ করিবেন। নিঃশব্দে সেই এক সহস্র সেনাসমেত দুর্গাভিমুখে গমন করিলেন। অন্ধকার নিশীথে নিঃশব্দে দুর্গতলে উপস্থিত হইলেন। চারিদিকে সমতল ভূমি। তাহার মধ্যে একটি উচ্চ পর্বতশৃঙ্গের উপর রুদ্র-মণ্ডল দুর্গ নির্মিত হইয়াছে। পর্বতে উঠিবার একমাত্র পথ আছে। অশ্রুদিকে কেবল জঙ্গল ও শিলারানি পরিপূর্ণ। শিবজী সেই কঠোর দুর্গম স্থান দিয়া সেনাগণকে পর্বতে আরোহণ করিতে আদেশ দিলেন। তাহার মাউলী ও

মহারাষ্ট্রীয় সেনা যেন পর্বত-বিড়ালের গায় বৃক্ষ ধরিয়া শৈল হইতে শৈলাস্তরে লক্ষ দিতে দিতে পর্বতারোহণ করিতে লাগিল। মহারাষ্ট্রীয় সেনা ভিন্ন আর কোন জাতীয় সৈন্য এরূপ পর্বতারোহণে সমর্থ কিনা সন্দেহ। অর্ধেক পথ উঠিলে পর শিবজী সহসা দেখিলেন, উপরে দুর্গ-প্রাচীরের উপর কতকগুলি মশালের আলোক জ্বলিল।

শিবজী চিন্তাকুল হইয়া ক্ষণেক দণ্ডায়মান রহিলেন। শত্রুরা কি তাঁহার আগমনবার্তা শুনিতে পাইয়াছে? নচেৎ প্রাচীরের উপর এরূপ আলোক জ্বলিল কেন? শিবজী নিজ সৈন্যগণকে আরও সতর্কভাবে বৃক্ষ ও শৈলরাশির অন্তরাল দিয়া ধীরে ধীরে আরোহণ করিতে আদেশ করিলেন। বৃষ্টির জল অবতরণে একস্থান ধৌত ও ক্ষত হইয়া প্রণালীর গায় হইয়াছিল। দুই পার্শ্ব উচ্চ, মধ্যস্থল গভীর। সেই প্রণালী বুকে হাঁটিয়া যাইলে সম্ভবতঃ শত্রুরা দেখিতে পাইবে না। এই পরামর্শ স্থির হইল। সমস্ত সৈন্য ধীরে ধীরে সেই প্রণালীর মধ্য দিয়া পর্বতারোহণ করিয়া অচিরে উপরিস্থ বৃক্ষশ্রেণীর মধ্যে যাইয়া প্রবেশ করিল। শিবজী মনে মনে ভবানীকে ধন্যবাদ করিলেন।

সহসা তাঁহার পার্শ্বস্থ একজন সেনা পতিত হইল। শিবজী দেখিলেন, তাহার বক্ষঃস্থলে তীর লাগিয়াছে। আর একটি তীর,—আর একটি, আরও বহু সংখ্যক তীর। শিবজীর সমস্ত সৈন্য বৃক্ষের অন্তরালে দণ্ডায়মান হইল, তীর-

নিষ্কেপ থামিয়া গেল। কিন্তু শিবজী বুঝিলেন, শত্রুরা তাঁহার আগমন জানিতে পারিয়াছে।

শিবজী নিস্তব্ধে সেই বৃক্ষশ্রেণীর ভিতর দিয়া অগ্রসর হইতে লাগিলেন। শত্রুকে ভুলাইবার জন্ত একশত সৈন্যকে দুর্গের অপর পার্শ্বে যাইয়া গোল করিতে আদেশ করিলেন। অল্পক্ষণের মধ্যে দুর্গের অপর পার্শ্বে বন্দুকের শব্দ শুনা গেল। সেই দিক হইতে শিবজী দুর্গ আক্রমণ করিয়াছেন বিবেচনা করিয়া দুর্গস্থ প্রহরী ও সৈন্য সকল সেইদিকে ধাবমান হইল।

রুদ্রমণ্ডলের প্রাচীর হইতে শিবজী বিংশ হস্ত দূরে আছেন, এমন সময়ে দেখিলেন, প্রাচীরের উপরে একজন প্রহরী। বৃক্ষের ভিতর শব্দ শ্রবণ করিয়া প্রহরী পুনরায় এই দিকে আসিয়াছে। একজন মাউলী নিঃশব্দে একটি তীর নিষ্কেপ করিল; হতভাগ্য প্রহরীর মৃত শরীর প্রাচীরের বাহিরে পতিত হইল।

সেই শব্দ শুনিয়া আর একজন, দুইজন, দশজন, ক্রমে দুই-তিন শত জন সৈনিক প্রাচীরের উপরে ও নীচে জড় হইল। শিবজী রোষে ওষ্ঠের উপর দন্ত স্থাপন করিলেন, আর লুক্কায়িত থাকিবার উপায় দেখিলেন না। সৈন্যকে অগ্রসর হইবার আদেশ দিলেন।

শীঘ্রই সেই প্রাচীরতলে ও বৃক্ষমধ্যে যুদ্ধ আরম্ভ হইল। প্রাচীরতলের উপরিস্থ মুসলমানেরা বর্শাচালনে আক্রমণকারী-

মহারাষ্ট্র জীবন-প্রভাত

দিগকে হত করিতে লাগিল; তাহারাও অব্যর্থ তীরসঞ্চালনে মুসলমানদিগকে বিনাশ করিতে লাগিল।

সহসা এই সমস্ত শব্দকে ডুবাইয়া প্রাচীর হইতে “শিবজী কি জয়” এইরূপ বজ্রনাদ উথিত হইল। মুহূর্ত্তের জন্য সকলেই সেই দিকে চাহিয়া দেখিল, শত্রুসৈন্য ভেদ করিয়া রক্তাঙ্গুত বর্শার উপর ভর দিয়া একজন রাজপুত যোদ্ধা এক লক্ষ্যে রক্ত-মণ্ডলের প্রাচীরের উপর উঠিয়াছেন। তথায় পাঠানদিগের পতাকা পদাঘাতে ফেলিয়া দিয়াছেন। পতাকাধারী প্রহরীকে খড়্গাচালনে হত করিয়াছেন। প্রাচীরোপরি দণ্ডায়মান হইয়া যে অপূর্ব যোদ্ধা বজ্রনাদে “শিবজী কি জয়” শব্দ করিয়াছিল, সেই যোদ্ধা রঘুনাথজী হাবিলদার।

তখন মাউলীগণ রঘুনাথের বিক্রম দেখিয়া উৎসাহিত হইয়া সেই প্রাচীরের দিকে ধাবমান হইল। ব্যাঘ্রের শ্বায় লক্ষ্য দিয়া প্রাচীরে উঠিল, রঘুনাথের চারিদিকে বেষ্টিত করিয়া যুদ্ধ করিতে লাগিল। শিবজী তখন বজ্রনাদে কিল্লাদারকে বলিলেন, “দ্বার খুলিয়া দাও, নচেৎ প্রাসাদ দাহ করিব।” নির্ভীক পাঠান উত্তর করিলেন, “অগ্নিতে দাহ হইব, কিন্তু কাফেরের সম্মুখে দ্বার খুলিব না।”

তৎক্ষণাৎ মহারাষ্ট্রীয়গণ মশাল আনিয়া দ্বারে, জানালায় অগ্নিদান করিতে লাগিল। উপর হইতে কিল্লাদার ও তাঁহার সঙ্গিগণ তীর নিক্ষেপ দ্বারা প্রাসাদে অগ্নিদান নিবারণ করিবার

চেপ্টা পাইলেন, অনেক মহারাষ্ট্রীয় মশালহস্তে ভূতসশায়ী হইল, কিস্তি অগ্নি জ্বলিল।

প্রথমে দ্বার-গবাক্ষ, পরে কড়িকাঠ, পরে সেই বিস্তীর্ণ প্রাসাদ সমস্ত অগ্নিতে জ্বলিয়া উঠিল। সেই প্রচণ্ড আলোক ভীষণনাদে আকাশের দিকে উত্থিত হইল ও রজনীর অন্ধকারকে আলোকময় করিল। বহুদূর পর্য্যন্ত পর্ব্বত ও উপত্যকা হইতে সেই আলোক দৃষ্ট হইল, সেই দাহের শব্দ শ্রুত হইল। সকলে জানিল, শিবজীর দুর্দমনীয় ও অপ্রতিহত সেনা মুসলমান-দুর্গ জয় করিয়াছে।

বীরের যাহা সাধ্য পাঠান কিল্লাদার রহমৎ খাঁ তাহা করিয়া-ছিলেন, এক্ষণে বীরের আয় মরিতে বাকী ছিল। মহারাষ্ট্রীয়গণ তাঁহাকে চারিদিকে বেষ্টিত করিয়াছে ; চারিদিকে খড়্গ উত্তোলিত হইয়াছে। তাঁহার জীবনের আশা নাই। এইরূপ সময় উচ্চৈঃস্বরে শিবজীর আদেশ শ্রুত হইল, “কিল্লাদারকে বন্দী কর ; বীরের প্রাণসংহার করিও না।” ক্রীণ আহত আফগানের হস্ত হইতে শিবজীর সেনাগণ খড়্গ কাড়িয়া লইল, তাঁহার হস্ত বন্ধন করিয়া তাঁহাকে বন্দী করিয়া রাখিল।



একাদশ পরিচ্ছেদ

চন্দ্রাও জুমলাদার

রাজা যশোবন্ত সিংহের একজন প্রধান সেনানী গজপতিসিংহ চন্দ্রাওকে বাল্যকালে লালন পালন করিয়াছিলেন। অনাথ বালক গজপতির গৃহের কার্য্য করিত, গজপতির পুত্রকণ্ঠাকে যত্ন করিত, অথবা গজপতির সহিত যুদ্ধে যুদ্ধে ফিরিত।

যখন চন্দ্রাওয়ের বয়ঃক্রম পঞ্চদশ বর্ষ মাত্র তখন গজপতি তাঁহার গভীর চিন্তা, হৃদমনীয় তেজ এবং দৃঢ় প্রতিজ্ঞা দেখিয়া আনন্দিত হইলেন। নিজপুত্র রঘুনাথের স্থায় চন্দ্রাওকে

ভালবাসিতেন ও এই কোমল বয়সেই আপন অধীনে সৈনিক-কার্যে নিযুক্ত করেন।

সৈনিকের ব্রত ধারণ করিয়া অবধিই চন্দ্রাও দিন দিন যে বিক্রম প্রকাশ করিতে লাগিলেন, তাহা দেখিয়া প্রবীণ যোদ্ধৃগণও বিস্মিত হইত। চন্দ্রাওয়ের উদ্দেশ্য কতক পরিমাণে সাধিত হইল, তিনি এক্ষণে অজ্ঞাত রাজপুত শিশু নহেন। তাঁহার পদবৃদ্ধি হইয়াছে, গজপতিসিংহের অধীনস্থ সমস্ত সেনার মধ্যে চন্দ্রাও এক্ষণে একজন অসাধারণ তেজস্বী বীর বলিয়া পরিচিত। মর্যাদা বৃদ্ধির সহিত চন্দ্রাওয়ের উচ্চাভিলাষ ও গর্ব অধিকতর বৃদ্ধি পাইল।

একদিন একটি যুদ্ধে চন্দ্রাও গজপতিকে পরম বিপদ হইতে উদ্ধার করেন। গজপতি যুদ্ধের পর চন্দ্রাওকে নিকটে ডাকিয়া সকলের সম্মুখে যথোচিত সম্মান করিয়া বলিলেন, “চন্দ্রাও ! অত্ন তোমার সাহসেই আমার প্রাণরক্ষা হইয়াছে। ইহার পুরস্কার তোমাকে কি দিতে পারি ?”

চন্দ্রাও মুখ অবনত করিয়া বিনীতভাবে রহিলেন। গজপতি সস্নেহে বলিলেন, “মনে ভাবিয়া দেখ, যাহা ইচ্ছা হয় প্রকাশ করিয়া বল। অর্থ, ক্ষমতা, পদবৃদ্ধি, চন্দ্রাও ! তোমাকে কিছুই অদেয় নাই।”

তখন চন্দ্রাও ধীরে ধীরে নয়ন উঠাইয়া বলিলেন, “রাজপুত বীর কখনও অঙ্গীকার অগ্রথা করেন না, জগতে

বিদিত আছে। শ্রেষ্ঠ বীর, আপনার কণ্ঠা লক্ষ্মীদেবীকে আমার সহিত বিবাহ দি।”

সভাস্থ সকলে নির্বাক নিস্তব্ধ। গজপতির মাথায় যেন আকাশ ভাঙিয়া পড়িল; ক্রোধে তাঁহার শরীর কম্পিত হইল; কিন্তু সেই ক্রোধ কথঞ্চিৎ সংযত করিয়া গজপতি উচ্চহাস্য করিয়া কহিলেন, “অঙ্গীকার পালনে স্বীকৃত আছি। কিন্তু তোমার মহারাষ্ট্র দেশে জন্ম, রাজপুত-ছহিতাদিগের মহারাষ্ট্রীয় দম্ভের সহিত পর্বত-কন্দর ও জঙ্গল মধ্যে থাকিবার অভ্যাস নাই। অগ্রে লক্ষ্মীর উপযুক্ত বাসস্থান নির্মাণ কর। তৎপরে রাজপুত-ছহিতার বিবাহ কামনা জানাইও। এখন অণু কোন্ যাক্সা আছে?”

চন্দ্ররাও ধীরে ধীরে বলিলেন, “অণু কোন যাক্সা এক্ষণে নাই, যখন থাকিবে প্রভুকে জানাইব।”

এই ঘটনার এক বৎসর পরে আরংজীবের সহিত যশোবন্তের উজ্জয়িনী সন্ধিধানে মহাযুদ্ধ হয়। সেই যুদ্ধে গজপতিসিংহ হত হন। গজপতির অনাথ বালক ও বালিকা, মাড়ওয়ার হইতে পুনরায় মেওয়ার প্রদেশে সূর্য্যমহল নামক দুর্গে যাইতেছিল। রঘুনাথের বয়ঃক্রম তখন দ্বাদশ বর্ষ, লক্ষ্মীর নয় বৎসর মাত্র। সঙ্গে কেবল একমাত্র পুরাতন ভৃত্য। পথিমধ্যে একদল দম্ভ্য সেই ভৃত্যকে হত্যা করিয়া বালকবালিকাকে মহারাষ্ট্রদেশে লইয়া যাইল। বালক অল্পবয়সেই তেজস্বী,

রজনীযোগে দম্মাদিগের শিবির হইতে পলায়ন করিল।
বালিকাকে দম্মাপতি বলপূর্ব্বক বিবাহ করিলেন। তিনি
চন্দ্ররাও।

তীক্ষ্ণবুদ্ধি চন্দ্ররাওয়ের মনোরথ কতক পরিমাণে পূর্ণ
হইল।

চন্দ্ররাওয়ের বংশ এক পুরাতন রাজপুত বংশ হইতে উদ্ভূত,
একথা কেহ অবিশ্বাস করিল না। তিনি প্রসিদ্ধনামা
রাজপুত গজপতিসিংহের একমাত্র ছুহিতাকে বিবাহ করিয়াছেন,
সকলে দেখিতে পাইল। তাঁহার সাহস ও বিক্রম দেখিয়া
শিবজী তাঁহাকে জুম্লাদারের পদ দিলেন।

দিনে দিনে চন্দ্ররাওয়ের যশঃ বৃদ্ধি পাইতে লাগিল। এমন
সময় কুক্ষণে বালক রঘুনাথ তাঁহার উন্নতির পথে আসিয়া
পড়িল।



দ্বাদশ পরিচ্ছেদ

বিজেতার পুরস্কার

ছুর্গজয়ের পরদিন অপরাহ্নে রুদ্রমণ্ডল ছুর্গে অপরূপ সভা সন্নিবেশিত হইল। রাজা জয়সিংহ ও রাজা শিবজী রাজগদীর উপর উপবেশন করিলেন। চারিদিকে শত শত লোক জয়সিংহের ও শিবজীর জয়নাদ করিতেছে।

শিবজী বন্দিগণকে আনয়নের আজ্ঞা করিলেন। বন্দীদিগের হস্তদ্বয় পশ্চাৎদিকে বদ্ধ। শিবজীর আদেশে বন্দীদিগের হস্ত খুলিয়া দেওয়া হইল। তখন তিনি আদেশ করিলেন, “আফগান সেনাগণ! তোমরা বীরের নাম

রাখিয়াছ, আমি পরিতুষ্ট হইয়াছি। তোমরা স্বাধীন, যেখানে ইচ্ছা যাইতে পার।”

শিবজীর সদাচরণে বিস্মিত হইয়া আফগানগণ দিল্লীশ্বরের বেতনভোগী হইতে স্বীকার করিল।

তখন কিল্লাদার রহমত খাঁকে আনিবার আদেশ হইল। বীর সদর্পে সভা-সম্মুখে দণ্ডায়মান হইলেন। শিবজী আসন ত্যাগ করিয়া স্বহস্তে তাঁহার বন্ধন-রজ্জু কাটিয়া বলিলেন, “বীরবর ! আপনি এক্ষণে স্বাধীন। জয় পরাজয় ভাগ্যক্রমে ঘটে, কিন্তু আপনার শ্রায় যোদ্ধার সহিত যুদ্ধ করিয়া আমি সম্মানিত হইয়াছি।”

রহমৎ খাঁ প্রাণদণ্ডের আদেশ প্রত্যাশা করিতেছিলেন, কিন্তু এ অসাধারণ ভদ্রতা দেখিয়া তাঁহার হৃদয় বিচলিত হইল। তিনি ধীরে ধীরে বলিলেন, “ঋত্রিয়রাজ ! কল্য আপনার বাহুবলে পরাস্ত হইয়াছিলাম, অতঃপর আপনার ভদ্রাচরণে ততোধিক পরাস্ত হইলাম। আমি আপনার নিকট কোন বিষয় গোপন রাখিব না। গত কল্য আপনার আগমন-সংবাদ আমি পূর্বেই পাইয়াছিলাম। অনুসন্ধানদাতা আপনারই একজন সেনা। ইহার অধিক বলিতে পারিব না।” রহমৎ খাঁ ধীরে ধীরে বাহির হইয়া গেলেন।

রোষে শিবজীর মুখমণ্ডল কৃষ্ণবর্ণ ধারণ করিল, নয়ন হইতে অগ্নিস্ফুলিঙ্গ বাহির হইতে লাগিল। জয়সিংহ তাঁহাকে

শাস্ত করিয়া সৈন্যদের ডাকিয়া বলিলেন, “গত কল্য যখন তোমরা দুর্গে পৌঁছিয়াছ, সেই সময় তোমরা সকলেই কি একত্র ছিলে ? যদি কেহ অনুপস্থিত থাকে, তবে তাঁহার নাম প্রকাশ কর ।”

চন্দ্রাও জুমলাদার অগ্রসর হইয়া বলিলেন, “রাজন, যখন আমরা যুদ্ধযাত্রা করি, তখন একজন হাবিলদার অনুপস্থিত ছিলেন । যখন দুর্গতলে পৌঁছলাম, তখন তিনি আমাদের সহিত যোগ দিলেন ।”

শিবজী জিজ্ঞাসা করিলেন, “সে কে ?”

চন্দ্রাও বলিলেন, “রঘুনাথজী হাবিলদার ।”

শিবজী সরোষে লৌহবর্ষা উত্তোলন করিয়া বলিলেন, “মিথ্যাবাদী ! রঘুনাথের আচরণ আমি স্বচক্ষে দেখিয়াছি । মিথ্যা নিন্দুককে আমি ক্ষমা করিব না ।”

সহসা রঘুনাথ সম্মুখে আসিয়া বলিলেন, “মহারাজ, চন্দ্রাও মিথ্যাবাদী নহেন । আমার আসিতে বিলম্ব হইয়াছিল ।”

শিবজী বহুক্ষণ বিস্ময়ে স্তব্ধ হইয়া রহিলেন, পরে জিজ্ঞাসা করিলেন, “তুমি কিল্লাদারকে সংবাদ দিয়াছিলে ?”

রঘুনাথ । আমি সে দোষে নির্দোষ ।

শিবজী । তবে কি জগ্ন অনুপস্থিত ছিলে ?

রঘুনাথ উত্তর না করিয়া ভূমির দিকে চাহিয়া রহিল ।
যুদ্ধের ফলাফল অনিশ্চিত ; কে রক্ষা পাইবে তাহা কেহ

জানে না ; এই জন্ত যুদ্ধে গমন করিবার পূর্বে রঘুনাথ সরযুর নিকট বিদায় লইতে গিয়াছিল, কিন্তু তাহা প্রকাশ করিতে পারিল না।

তখন ক্ষিপ্তপ্রায় শিবজী বর্ষা উত্তোলন করিয়া আদেশ করিলেন, “বিদ্রোহ করিলে শাস্তি প্রাণদণ্ড!”

এমন সময় জয়সিংহ তাঁহার হস্ত ধারণ করিয়া কহিলেন, “এই সৈনিক বিদ্রোহী নহে, আমার দীর্ঘ অভিজ্ঞতায় তাহা আমি বুঝিয়াছি। আমি এই রাজপুত যোদ্ধার প্রাণভিক্ষা করিতেছি।”

শিবজী অপ্রতিভ হইয়া কহিলেন, “আপনার কথা কখনও অবহেলা করিব না।” তিনি আদেশ দিলেন, “অসি কাড়িয়া লইয়া বিদ্রোহীকে ছুর্গ হইতে নিষ্কাশ্য করিয়া দাও।”

অবনত শিরে নিঃশব্দে রঘুনাথ ছুর্গ হইতে প্রস্থান করিলেন।

রঘুনাথ জানিতেন না চন্দ্রাও তাঁহার ভগ্নীপতি।

চন্দ্রাও গৃহে ফিরিয়া লক্ষ্মীকে ডাকিয়া কহিলেন, “অনেক দিনের একটি ঋণ শোধ করিয়াছি।”

লক্ষ্মী শিহরিয়া উঠিলেন, স্বামীর চরিত্র তিনি জানিতেন।



ত্রয়োদশ পরিচ্ছেদ

দিল্লী যাত্রা।

১৬৬৬ খৃঃ অব্দের বসন্ত-কালে পঞ্চশত অশ্বারোহী ও এক সহস্র পদাতিক মাত্র লইয়া শিবজী দিল্লীর নিকট উপস্থিত হইলেন। নগরের প্রায় ছয় ক্রোশ দক্ষিণে শিবির সংস্থাপিত করিয়াছেন, সেনাগণ বিশ্রাম করিতেছে।

শিবজী ও তাঁহার পুত্র শম্ভুজী শিবিরে উপবেশন করিয়া আছেন, এমত সময় একজন প্রহরী আসিয়া বলিল, “মহারাজ জয়সিংহের পুত্র রামসিংহ অণ্ড একজন সৈনিকের সহিত

সম্রাট-আদেশে মহারাজকে দিল্লীতে আহ্বান করিতে আসিয়াছেন। উভয়েই দ্বারে দণ্ডায়মান আছেন।”

শিবজী। সাদরে লইয়া আইস।

উগ্রস্বভার শম্ভুজী বলিলেন, “পিতঃ! আপনাকে আহ্বান করিতে আরংজীব কেবল মাত্র দুইজন দূত পাঠাইয়াছেন?”

শিবজী আরংজীবকৃত এই অবমাননায় মনে মনে ক্রুদ্ধ হইলেন, কিন্তু সে ক্রোধ প্রকাশ করিলেন না।

রামসিংহ পিতার নিকট শিবজীর বীর্য ও প্রতাপের কথা অনেক শুনিয়াছেন। সবিষ্ময়-নয়নে মহারাষ্ট্র বীরপুরুষের দিকে অবলোকন করিলেন। শিবজী রামসিংহকে আলিঙ্গন ও যথোচিত সম্মানপূরঃসর অভ্যর্থনা করিলেন।

ক্ষণেক পর রামসিংহ কহিলেন, “মহারাজকে পূর্বের আমি কখন দেখি নাই, কিন্তু পিতার নিকট আপনার যশোবার্তা বিস্তর শুনিয়াছি। অতঃ আপনার গ্রাম স্বদেশ-প্রিয় বীরপুরুষকে দেখিয়া আমার নয়ন সার্থক হইল।”

শিবজী। আমারও অতঃ পরম সৌভাগ্য।

রামসিংহ। রাজন্! দিল্লী আগমন করিতেছেন শুনিয়া সম্রাট আমাকে আপনার নিকট প্রেরণ করিয়াছেন। কখন নগর প্রবেশ করিতে অভিলাষ করেন?

শিবজী। প্রবেশ সম্বন্ধে আপনি কি পরামর্শ দেন?

রাম। পিতা আপনাকে যখন দিল্লী আসিতে পরামর্শ

দিয়াছেন, তখন আপনি আসিয়া ভালই করিয়াছেন। তিনি অদ্বিতীয় পণ্ডিত ; তাঁহার পরামর্শ কখনও ব্যর্থ হয় না।

শিবজী বুঝিলেন দিল্লীতে তাঁহাকে রুদ্ধ করিবার জন্ত কোনও কল্পনা হয় নাই। অথবা যদি হইয়া থাকে রামসিংহ তাহা জানেন না। শিবজীর মন নিরুদ্ধেগ হইল।

অচিরে সকলে দিল্লীর অভিমুখে চলিলেন। সমস্ত পথ পুরাতন মুসলমান প্রাসাদের ভগ্নাবশেষে পরিপূর্ণ। প্রথম মুসলমানেরা দিল্লী জয় করিয়া পৃথু-রায়ের পুরাতন দুর্গের নিকট আপনাদিগের রাজধানী নির্মাণ করাইয়াছিলেন। সুতরাং প্রথম সম্রাটদিগের মসজিদ, প্রাসাদ ও সমাধি মন্দিরের ভগ্নাবশিষ্ট সেই স্থানে দৃষ্ট হয়। জগদ্বিখ্যাত কুতব মিনার এই স্থানে নির্মিত। কালক্রমে নূতন নূতন সম্রাট আরও নূতন নূতন প্রাসাদ ও রাজবাটী নির্মাণ করিতে লাগিলেন, ক্রমে নগর উত্তরাভিমুখে চলিল। পৃথু-রায়ের দুর্গ হইতে আধুনিক দিল্লী পর্য্যন্ত আসিতে আসিতে শিবজীর বোধ হইল যেন সেই পথেই ভারতবর্ষের ইতিহাস অঙ্কিত রহিয়াছে। এক একটি প্রাসাদ ও অট্টালিকা সেই ইতিহাসের এক একটি পত্র, এক একটি গোরস্থান এক একটি অক্ষর। করাল কাল সেই ইতিহাস-লেখক, নচেৎ এরূপ অক্ষরে সে ইতিহাস কেন লিখিত হইবে ?



চতুর্দশ পরিচ্ছেদ

দিল্লীর দরবার

দিল্লী অত্যন্ত মনোহর শোভা ধারণ করিয়াছে। আরংজীব স্বয়ং জাঁকজমক-প্রিয় ছিলেন না। কিন্তু রাজকার্য সাধনার্থ সময়ে সময়ে জাঁকজমক আবশ্যক, তাহা বিশেষরূপে জানিতেন। অতঃ শিবজী দরিদ্র মহারাষ্ট্র দেশ হইতে বিপুল অর্থশালী মোগল রাজধানীতে আসিয়াছেন। মোগলদিগের ক্ষমতা, সম্পত্তি ও অর্থের প্রাচুর্য্য দেখিলে শিবজী আপন হীনতা বুঝিতে পারিবেন; মোগলদিগের সহিত যুদ্ধের অসম্ভাবিতা

বুঝিতে পারিবেন—এই উদ্দেশ্যে আরংজীব অত প্রচুর জাঁক-জমকের আদেশ দিয়াছেন।

সম্রাট আজ জগতে অতুল্য “দেওয়ান খাস” নামক প্রাসাদে সভার অধিবেশন করিয়াছিলেন। শিবজী সেই স্থানে যাইয়া দেখিলেন, প্রাসাদের ভিতর মণি-মাণিক্য-বিনির্মিত সূর্য্যরশ্মি-প্রতিঘাতী ময়ূর সিংহাসনের উপর সম্রাট আরংজীব উপবেশন করিয়া আছেন, সম্রাটের চারিদিকে রৌপ্য-নির্মিত রেল, রেলের বাহিরে ভারতবর্ষের অগ্রগণ্য রাজা, মনুষ্যদার, ওমরাহ ও সেনাপতিগণ নিঃশব্দে দণ্ডায়মান রহিয়াছেন। রামসিংহ শিবজীর পরিচয় দান করিয়া রাজসদনে উপস্থিত হইলেন।

শিবজী অত একজন সামান্য কর্মচারীর ন্যায় নম্রভাবে রাজসদনে দণ্ডায়মান! শিবজীর ধমনীতে উষ্ণ শোণিত বহিতে লাগিল, কিন্তু এক্ষণে তিনি নিরুপায়। সামান্য কর্মচারীর ন্যায় সম্রাটকে “তসলীম্” করিয়া রীতিমত নজর দান করিলেন। আরংজীবের দূর উদ্দেশ্য সাধন হইল। জগৎ-সংসার জানিল, শিবজী জানিল, শিবজী ও আরংজীব সমকক্ষ নহেন। দাসের প্রভুর সহিত, ক্ষীণের বলিষ্ঠের সহিত যুদ্ধ করা মূর্থতা।

এই উদ্দেশ্য সাধনার্থে আরংজীব “নজর” গ্রহণ করিয়া কোনও বিশেষ সমাদর না করিয়া শিবজীকে “পাঁচহাজারী” অর্থাৎ পঞ্চ সহস্র সেনার সেনাপতিদিগের মধ্যে স্থান দিলেন।

শিবজীর নয়ন তখন অগ্নিবৎ প্রজ্বলিত হইল, শরীর

কম্পিত হইতে লাগিল। তিনি ওষ্ঠের উপর দস্ত স্থাপন করিয়া অস্পষ্টভাবে বলিলেন, “শিবজী পাঁচহাজারী? সম্রাট যখন মহারাষ্ট্রে যাইবেন, দেখিবেন শিবজীর অধীনে কতজন পাঁচহাজারী আছে। দেখিবেন, তাহারা দুর্বলহস্তে অসি ধারণ করে না।”

শিবজীর আবাসের জন্ত একটি বাটী নির্দিষ্ট হইয়াছিল। রোষে, অভিমানে সন্ধ্যার সময় শিবাজী সেই বাটীতে আসিলেন, একাকী বসিয়া চিন্তা করিতে লাগিলেন।

ক্লেম পর রাজসদন হইতে সংবাদ আসিল যে, অল্প সম্রাটের সম্মুখে শিবজী রুষ্ট হইয়া যে কথা উচ্চারণ করিয়াছিলেন, সম্রাট তাহা শুনিয়াছেন। সম্রাট শিবজীকে দণ্ড দিতে ইচ্ছা করেন না, কিন্তু ভবিষ্যতে শিবজী রাজসাক্ষাৎ পাইবেন না।

শিবজী বুঝিলেন ভবিষ্যৎ আকাশ মেঘাচ্ছন্ন হইতেছে।





পঞ্চদশ পরিচ্ছেদ

বন্দী

পরদিন প্রায় এক প্রহর বেলার সময় শিবজীর নিজাভঙ্গ হইল। তিনি জাগরিত হইয়াই রাজপথে একটি গোলযোগ শুনিলেন। উঠিয়া গবাক্ষ দিয়া নিম্নদিকে চাহিলেন, যাহা দেখিলেন তাহাতে চকিত ও স্তম্ভিত হইলেন।

দেখিলেন, বাটার পশ্চাতে, দুই পার্শ্বে ও সম্মুখদ্বারে অস্ত্র-হস্তে প্রহরিগণ দণ্ডায়মান রহিয়াছে। বিশেষ পরিচয় না পাইলে প্রহরিগণ বাহিরের লোককে গৃহে প্রবেশ করিতে

দিতেছে না, গৃহের লোককে বাহিরে যাইতে দিতেছে না। দেখিয়া বুঝিলেন, কল্যাণ তিনি পলাইতে পারিতেন, অত্যাচার তিনি আরংজীবের বন্দী।

আরংজীবের কপটাচারিতা স্পষ্ট প্রতীয়মান হইল। মানস-চক্ষে অতীত ও বর্তমান সমুদায় ঘটনা মুহূর্ত্ত মধ্যে দৃষ্টি করিয়া শিবজী শত্রুর নিগূঢ় উদ্দেশ্য বুঝিতে পারিলেন, বুঝিয়া রোষে গর্জিয়া উঠিলেন। দ্রুত পদবিক্ষেপে সেই গৃহে ভ্রমণ করিতে লাগিলেন, তাঁহার অধরোষ্ঠের উপর দন্ত স্থাপিত রহিয়াছে, নয়ন হইতে অগ্নিস্ফুলিঙ্গ বাহির হইতেছে। অনেকক্ষণ পর অন্ধস্ফুটস্বরে বলিলেন, “আরংজীব! শিবজীকে এখনও জান না, চতুরতায় আপনাকে অদ্বিতীয় মনে কর, কিন্তু শিবজীও সে বিজ্ঞায় বালক নহে। এই ঋণ একদিন পরিশোধ করিব, সেদিন দাক্ষিণাত্য হইতে হিন্দুস্থান পর্য্যন্ত সমরাগ্ন প্রজ্জ্বলিত হইবে!”

অনেকক্ষণ চিন্তা করিয়া শিবজী বিশ্বস্ত মন্ত্রী রঘুনাথ পশুকে ডাকাইলেন। প্রাচীন শ্রায়শাস্ত্রী উপস্থিত হইলেন, নিঃশব্দে সম্মুখে উপবেশন করিলেন। শিবজী বলিলেন, “পণ্ডিত-প্রবর! আপনি আরংজীবের খেলা দেখিতেছেন, আপনার প্রসাদে শিবজীও এ খেলায় অপরিপক্ব নহে। কিন্তু অমুচরবর্গকে পূর্বে পরিত্রাণ না করিয়া আমার আত্ম-পরিত্রাণের ইচ্ছা নাই, সেই বিষয়ে আপনার উপদেশ কি?”

শ্রায়শাস্ত্রী অনেকক্ষণ চিন্তা করিয়া বলিলেন, “আপনার

মহারাষ্ট্র জীবন-প্রভাত

অনুচরদিগের স্বদেশগমনের জন্ত সত্ৰাটের নিকট অনুমতি প্রার্থনা করুন। এক্ষণে আপনাকে বন্দী করিয়াছেন, আপনার অনুচরসংখ্যা যত হ্রাস হয়, তাহাতে সত্ৰাট আহ্লাদিত ভিন্ন দুঃখিত হইবেন না। আমি বিবেচনা করি অনুমতি চাহিলেই পাইবেন।”

শিবজী : মল্লিবর, আপনার পরামর্শই শ্রেয়ঃ, আমারও বোধ হয় ধূর্ত আরংজীব এ বিষয়ে আপত্তি করিবে না।

সেই মর্মে একখানি আবেদন-পত্র প্রস্তুত হইল। শিবজী যাহা মনে করিয়াছিলেন, তাহাই ঘটিল, শিবজীর অনুচর সকল দিল্লী হইতে প্রস্থান করিবে শুনিয়া সত্ৰাট আহ্লাদিত হইয়া তাহাদিগকে যাইবার জন্ত অনুমতি-পত্র দান করিলেন।

শিবজী সন্ধিস্থাপনাবধি প্রাণপণে দিল্লীর কার্য্য করিয়াছেন, কিন্তু তাহার বিপুল ক্ষমতা। আরংজীব কোন ভূত্যের উপর বিপুল ক্ষমতা গ্ৰস্ত করিতে পারেন না, কাহাকেও বিশ্বাস করেন না। যাহাদিগকে অবিশ্বাস করা যায় তাহারা ক্রমে অবিশ্বাসের যোগ্য হয়। আরংজীবের জীবিতকালের মধ্যেই মহারাষ্ট্রীয়েরা ও রাজপুতেরা দিল্লীর বিরুদ্ধে যে ভীষণ যুদ্ধানল প্রজ্জ্বলিত করিল, মোগল-সাম্রাজ্য তাহাতে দগ্ধ হইয়া গেল।



ষোড়শ পরিচ্ছেদ

পীড়া

শিবজীর অতিশয় সঙ্কটজনক পীড়া হইয়াছে, সমগ্র দিল্লীনগরে এ সংবাদ প্রচারিত হইল। দিবানিশি শিবজীর গৃহের গবাক্ষ ও দ্বার রুদ্ধ, দিবানিশি চিকিৎসক আসিতেছেন। এ ভীষণ রোগের উপশম সন্দেহহীন, অল্প যেরূপ রোগবৃদ্ধি হইয়াছে, কল্য পর্য্যন্ত জীবিত থাকা অসম্ভব। কখন কখন বা সংবাদ রাষ্ট্র হইতেছে যে, শিবজী আর নাই। আরংজীব সর্বদাই শিবজীর রোগের সমাচার জিজ্ঞাসা করিয়া

পাঠাইতেন, তথাপি গৃহের চারিদিকে যে প্রহরী সন্নিবেশিত ছিল, তাহা পূর্বমত রাখিলেন। লোকের নিকট শিবজীর রোগের বিষয়ে আক্ষেপ প্রকাশ করিতেন। মনে মনে ভাবিতেন, যদি এই রোগেই শিবজীর মৃত্যু হয়, তাহা হইলে আমার বিশেষ কোন নিন্দা না হইয়াই অনায়াসে কণ্টকোদ্ধার হইবে।

সন্ধ্যাকাল সমাগত, এইরূপ সময় একজন প্রাচীন সম্ভ্রান্ত মুসলমান হাকিম শিবজীর গৃহদ্বারের নিকট অবতীর্ণ হইলেন। প্রহরিগণ জিজ্ঞাসা করিল,—কি উদ্দেশ্যে শিবজীর সাক্ষাৎ প্রার্থনা করেন? হাকিম উত্তর করিলেন,—সম্রাটের আদেশ অনুসারে রোগীর চিকিৎসা করিতে আসিয়াছি। সম্মানে প্রহরিগণ পথ ছাড়িয়া দিল।

আকৃতি দেখিলে হাকিমের প্রতি কোন প্রকার সন্দেহ হইতে পারে না। বয়স অনেক হইয়াছে, অতি শুষ্ক শ্মশ্রু লম্বিত হইয়া উরঃস্থল আবৃত করিয়াছে, মস্তকোপরি প্রকাণ্ড উষ্ণীষ, হাকিমের স্বর ধীর ও গম্ভীর।

হাকিম। আপনার পীড়া কি?

কাতর স্বরে শিবজী বলিলেন, “জানি না, এ কি ভীষণ পীড়া! শরীর সর্বদাই অগ্নিবৎ জ্বলিতেছে, হৃদয়ে বেদনা, সর্বস্থানে বেদনা।”

হাকিম গম্ভীরস্বরে বলিলেন, “পীড়া অপেক্ষা জিঘাংসায়

শরীর অধিক জ্বলে। হৃদয়ের বেদনা অনেক সময় মানসিক ক্লেশ-সম্ভাত! আপনার কি সেই পীড়া?”

‘বিস্মিত ও ভীত হইয়া শিবজী এই অপরূপ হাকিমের দিকে চাহিলেন, মুখ সেইরূপ গম্ভীর, কোনও ভাব-বৈলক্ষণ্য লক্ষিত হইল না।

হাকিম তাঁহার হস্ত ও শরীর দেখিতে চাহিলেন। অনেকক্ষণ অতিশয় মনোনিবেশ পূর্বক দৃষ্টি করিয়া কহিলেন, “আপনার বচন যেরূপ ক্ষীণ, নাড়ী সেরূপ ক্ষীণ নহে; ধমনীতে শোণিত সজোরে সঞ্চালিত হইতেছে, পেশীগুলি পূর্ববৎ দৃঢ়বদ্ধ। আপনার এ সমস্ত কি প্রবঞ্চনা মাত্র? যাহা হউক একটি উৎকৃষ্ট ঔষধ আপনাকে দিব। যদি রোগ যথার্থ হয় অব্যর্থ ঔষধিতে তৎক্ষণাৎ পীড়া আরোগ্য হইবে, যদি প্রতারণা হয় অব্যর্থ বিধে তৎক্ষণাৎ প্রাণ নাশ হইবে।”

শিবজীর হৃৎকম্প হইল। ঔষধি সেবনে অস্বীকৃত হইলে তাঁহার প্রতারণা প্রচারিত হইবে, সেবন করিলে নিশ্চয় মৃত্যু।

হাকিম ঔষধি প্রস্তুত করিয়া আনিলেন। শিবজী বলিলেন, “মুসলমানের স্পৃষ্ট পানীয় আমি পান করিব না।”

শিবজী সজোরে হস্তসঞ্চালনে পাত্র দূরে নিক্ষেপ করিলেন। হাকিম কিছুমাত্র ক্রুদ্ধ হইলেন না; ধীরে ধীরে বলিলেন, “এরূপ সজোরে হস্তসঞ্চালন ক্ষীণতার লক্ষণ নহে।”

শিবজী অনেকক্ষণ অতিকষ্টে ক্রোধ সংবরণ করিয়াছিলেন, আর পারিলেন না। সহসা উঠিয়া বসিলেন, “রোগীকে উপহাস করিবার এই শাস্তি,” এই বলিয়া এক চপেটাঘাত করিলেন ও হাকিমের গুরুশ্রদ্ধা সজোরে আকর্ষণ করিলেন। বিস্মিত হইয়া দেখিলেন, সেই মিথ্যা শ্রদ্ধা সমস্ত খসিয়া আসিল, চপেটাঘাতে উষ্ণীয় দূরে নিক্ষিপ্ত হইল, তাঁহার বাল্যসুহৃদ তন্নজী মালত্ৰী খিল-খিল করিয়া হাস্য করিয়া উঠিল।

শিবজী সহাস্তে বলিলেন, “তোমাকে দেখিয়া কতদূর আত্মদিত হইলাম তাহা বলিতে পারি না; এ কয়দিনই তোমার প্রত্যাশা করিতেছিলাম। এখন সংবাদ কি বল।”

তন্নজী। প্রভুর সমস্ত আদেশ সম্পাদিত করিয়াছি। একে একে নিবেদন করিতেছি। সম্রাট যে অনুমতি-পত্র দিয়াছিলেন, তদ্বারা আপনার অমুচরবর্গ সকলেই নিরাপদে দিল্লী হইতে নিষ্ক্রান্ত হইয়াছে।

শিবজী। সেজন্য জগদীশ্বরকে ধন্যবাদ প্রদান করি।

তন্নজী। আমি দিল্লী হইতে মথুরার পথ বিশেষরূপে দৃষ্টি করিয়াছি, যে যে স্থানে লোক সন্নিবেশিত করিবার আদেশ করিয়াছিলেন, তাহাও করিয়াছি।

শিবজী। চিরবন্ধু! তুমি যেরূপ কার্য্যদক্ষ অবশ্যই আমরা নিরাপদে স্বদেশে যাইতে পারিব।

তন্নজী। দিল্লীর প্রাচীরের বাহিরে আপনি যেরূপ একটি

তীব্রগতি অশ্ব রাখিতে বলিয়াছিলেন, তাহাও রাখিয়াছি। যে-দিন স্থির করিবেন, সেইদিনে সমস্ত প্রস্তুত থাকিবে।

শিবজী। তবে সমস্ত প্রস্তুত, আমি এখন আরোগ্য লাভ করিতে পারি ?

সহাস্ত্রে তন্নজী বলিলেন, “আমার ঞ্চায় বিজ্ঞ হাকিম যখন আপনার পীড়ার চিকিৎসা আরম্ভ করিয়াছে, তখন পীড়া কি থাকিতে পারে ?”

শিবজীকে সন্মোহে আলিঙ্গন করিয়া পুনরায় উষ্ণীষ ও শ্মশ্রু ধারণ করিয়া তন্নজী গৃহ হইতে নিজ্জাস্ত হইলেন।



সপ্তদশ পরিচ্ছেদ

আরোগ্য

উপরি উক্ত ঘটনার কয়েক দিন পর নগরে সংবাদ প্রচারিত হইল যে, শিবজীর পীড়ার কিছু উপশম হইয়াছে। নগরে পুন-রায় ধুমধাম পড়িয়া গেল, সকলেই সেই কথা কহিতে লাগিল।

শিবজী ব্রাহ্মণদিগকে রাশি রাশি মুদ্রা দান করিতে লাগিলেন। দেবালয়ে পূজা পাঠাইতে লাগিলেন, চিকিৎসক-সকলকে অর্থদানে সন্তুষ্ট করিলেন। বাজারে আর মিষ্টান্ন রহিল না। শিবজী রাশি রাশি মিষ্টান্ন ক্রয় করিয়া দিল্লীর সমস্ত বড়লোকের বাটীতে পাঠাইতে লাগিলেন। প্রতি

মসজিদে ও ফকিরগণের সেবার্থে প্রচুর পরিমাণে মিষ্টান্ন পাঠাইতে লাগিলেন। সম্রাটের মনে যাহাই থাকুক, অন্য সকলেই শিবজীর এই বদান্ধতা ও সদাচরণে সন্তুষ্ট হইয়া তাঁহার প্রশংসা করিতে লাগিলেন।

শিবজী কেবল মিষ্টান্ন প্রেরণ করিয়া সন্তুষ্ট হইতেন না, মিষ্টান্ন ক্রয় করাইয়া নিজের গৃহে আনিতেন ও অতি প্রকাণ্ড প্রকাণ্ড আধার সমস্ত নির্মাণ করাইয়া স্বয়ং মিষ্টান্ন সাজাইয়া প্রেরণ করিতেন। সে আধার কখন কখন তিন চারি হাত দীর্ঘ হইত, আট কি দশ জন লোক বহিয়া লইয়া যাইত। কয়েক দিন এই প্রকার মিষ্টান্ন বিতরিত হইতে লাগিল।

একদিন সন্ধ্যার সময় এইরূপ দুইটি প্রকাণ্ড মিষ্টান্নের আধার শিবজীর গৃহ হইতে বাহির হইল। প্রহরিগণ জিজ্ঞাসা করিল, “এ কাহার বাটীতে যাইবে?” বাহকেরা উত্তর করিল, “রাজা জয়সিংহের সদনে।”

প্রহরিগণ। তোমাদের প্রভু আর কত দিন মিষ্টান্ন পাঠাইবেন?

বাহকেরা। এই অল্পই শেষ।

মিষ্টান্নের ভার লইয়া বাহকগণ চলিয়া গেল।

কতক পথ যাইয়া বাহকেরা একটি অতি সঙ্গোপন স্থানে সন্ধ্যার অন্ধকারে সেই দুইটি আধার নামাইল। বাহকগণ চারিদিকে চাহিয়া দেখিল, জনমাত্র নাই। তাহার। একটি

অন্ধকার নিশীথে পল্লী বা প্রাস্তর দিয়া নির্বাক্ হইয়া শিবজী পলায়ন করিতেছেন। দূর হইতে অশ্বের পদশব্দ শ্রুত হইল। শিবজী লুকাইবার চেষ্টা করিলেন। কিন্তু সেখানে বৃক্ষ বা কুটীর নাই, অগত্যা পূর্ববৎ গমন করিতে লাগিলেন। তিনজন অশ্বারোহী বেগে দিল্লী অভিমুখে আসিতেছেন, তাঁহাদিগের কোষে অসি। দূর হইতে শিবজীর অশ্ব দেখিতে পাইয়া তাঁহারা সেইদিকে অশ্ব প্রধাবিত করিলেন। শিবজীর হৃদয় উদ্বেগে দ্রুত-দ্রুত করিতে লাগিল। নিকটে আসিয়া একজন অশ্বারোহী জিজ্ঞাসা করিলেন, “কে যায়?”

শিবজী। গোস্বামী।

অশ্বারোহী। কোথা হইতে আসিয়াছ?

শিবজী। দিল্লী নগরী হইতে।

অশ্বারোহী। আমরা দিল্লীনগরী যাইব, কিন্তু পথ হারাইয়াছি, আমাদের সঙ্গে আসিয়া পথ দেখাইয়া দেও, পরে তুমি মথুরায় যাইও।

শিবজীর মস্তকে যেন বজ্রাঘাত হইল।

একজন বলিল, “এ স্বর আমি জানি। আমি নিশ্চয় বলিতেছি, পথিক গোস্বামী নহে।”

অপর একজন বলিল, “তবে কে?”

প্রথম। আমি সন্দেহ করি, এ স্বয়ং শিবজী। দুই জন মনুষ্যের কণ্ঠস্বর ঠিক একরূপ হয় না।

সহসা একজন অশ্বারোহী আসিয়া শিবজীর উষ্ণীষ দূরে নিক্ষেপ করিলেন। শিবজী তাঁহাকে চিনিলেন, তিনি সায়েন্দ্রাখাঁর অধীনস্থ একজন প্রধান সেনানী।

যদি হস্তে কোনরূপ অস্ত্র থাকিত, শিবজী একাকী তিনজনকে হত করিবার চেষ্টা করিতেন। রিক্তহস্তেও একজনকে মুষ্টি আঘাতে অচেতন করিলেন। এমন সময় আর দুইজন অসি হস্তে নিকটে আসিয়া শিবজীকে ধরিয়া ভূতলশায়ী করিল।

সহসা একটি শব্দ হইল। শিবজী দেখিলেন, একজন অশ্বারোহী তীর বিদ্ধ হইয়া ভূতলশায়ী হইলেন। আর একটি তীর, আর একটি তীর, শিবজীর তিন জন শত্রুই ভূতলশায়ী ! তিন জনই গতজীবন !

শিবজী পরমেশ্বরকে ধন্যবাদ দিয়া উঠিয়া দেখিলেন, পশ্চাৎ হইতে সেই অশ্বরক্ষক জানকীনাথ তীর নিক্ষেপ করিতেছিল। বিস্মিত হইয়া জানকীনাথকে নিকটে ডাকিয়া জীবন রক্ষার জন্ত শত ধন্যবাদ দিতে লাগিলেন। সে নিকটে আসিলে শিবজী আরও বিস্মিত হইয়া দেখিলেন, সে অশ্বরক্ষক নহে, অশ্বরক্ষকবেশে সীতাপতি গোস্বামী !

তখন সহস্রবার গোস্বামীর নিকট ক্ষমা প্রার্থনা করিয়া বলিলেন, “সীতাপতি, আপনি ভিন্ন শিবজীর বিপদের সময় প্রকৃত বন্ধু আর কে আছে ? আপনাকে অশ্বরক্ষক মনে

করিয়া তুচ্ছ করিয়াছিলাম, ক্ষমা করুন। আপনার এ কার্যের জ্ঞান আমি কি উপযুক্ত পুরস্কার দিতে পারি?”

সীতাপতি শিবজীর সম্মুখে জাহ্নু গাড়িয়া করযোড়ে বলিলেন, “রাজন্! ছদ্মবেশ ক্ষমা করুন, আমি অশ্বরক্ষকও নহি, গোস্বামীও নহি, আমি আপনার পুরাতন ভৃত্য রঘুনাথজী হাবিলদার!”

শিবজী চকিত হইয়া সেই বালক রঘুনাথের দিকে চাহিলেন, হৃদয়ের উদ্বেগ সংবরণ করিতে পারিলেন না। সজল নয়নে রঘুনাথকে বক্ষে ধারণ করিয়া বলিলেন, “রঘুনাথ! রঘুনাথ! তোমার নিকট শিবজী শত অপরাধে অপরাধী, কিন্তু এই মহৎ আচরণে আমাকে যথেষ্ট দণ্ড দিয়াছ। তোমাকে সন্দেহ করিয়াছিলাম, তোমার অবমাননা করিয়াছিলাম, স্মরণ করিয়া হৃদয় বিদীর্ণ হইতেছে। শিবজী যত দিন জীবিত থাকিবে, তোমার গুণ বিস্মৃত হইবে না।”



অষ্টাদশ পরিচ্ছেদ কুড়ীরে

এদিকে জনার্দন সরযুর বিবাহের পাত্র স্থির করিলেন। লজ্জার মাথা খাইয়া সরযু পিতাকে বলিয়া পাঠাইলেন,— তিনি অশ্রু একজন সেনানীকে বাক্যদান করিয়াছিলেন, তিনিই সরযুর বাগ্‌দত্ত পতি।

কিন্তু কত্থার কথা কে গ্রাহ করে, পাঁচজন ভদ্রলোক যেরূপ পরামর্শ দেয় সমাজে থাকিলে সেইরূপ কাজ করিতে হয়। জনার্দন অনেক বুঝাইলেন, অনেক কাঁদিলেন, অনেক তিরস্কার করিলেন। কিন্তু বিবাহের দিন বিবাহের কত্থাকে কেহ দেখিতে পাইল না।

অনাথিনী সরযুবালা জগতে আর স্থান না পাইয়া একজন কৃষকের বাটীতে দাসীবৃত্তি স্বীকার করিলেন। কৃষকের কিছু সম্পত্তি ছিল, নাম গোকর্ণনাথ। গোকর্ণের অন্তঃকরণ সরল ও স্নেহযুক্ত, নিরাশ্রয় রাজপুত-কন্যাকে নিজের বাটীতে আশ্রয় দিতে স্বীকার করিলেন।

একদিন সন্ধ্যার সময় নদীর ঘাটে সরযু বসিয়াছিলেন, এইরূপ সময় একজন দীর্ঘকায় সন্ন্যাসী “হর হর মহাদেও” নাম উচ্চারণ করিয়া নদীতীরে উপনীত হইলেন। সন্ধ্যার স্তিমিত আলোকে তাঁহার বিভূতি-ভূষিত দীর্ঘ শরীর বড় সুন্দর দেখাইল।

সরযু তীক্ষ্ণ দৃষ্টি করিয়া দেখিলেন, সন্ন্যাসী সীতাপতি গোস্বামী। সরযু লজ্জা বা ভয় ত্যাগ করিয়া ধীরে ধীরে সন্ন্যাসীর নিকট যাইয়া প্রণাম করিয়া স্থিরস্বরে বলিলেন, “প্রভু, আপনি যে অভাগিনীকে একদিন জনার্দনের প্রাসাদে দেখিয়াছিলেন, অতঃ তাহাকে এই কুটীরে দাসীকার্য্যে নিযুক্ত দেখিতেছেন। পিতা আমাকে দুরীভূত করিয়াছেন। কিন্তু ভগবান জানেন, বাগদত্ত পতির অনুচারিণী, ইহা ভিন্ন আমার অশ্রু দোষ নাই।”

সন্ন্যাসীর নয়ন জলে পূর্ণ হইল, ধীরে ধীরে বলিলেন, “রঘুনাথের জন্ত এত কষ্ট সহ্য করিয়াছেন?”

সরযু। নারী যত দিন পতির নাম জপিতে পারে ততদিন কষ্টকে কষ্ট বলিয়া বোধ করে না।

সন্ন্যাসীর বক্ষঃস্থল স্ফীত হইতে লাগিল, সরযু আবার বলিলেন, “প্রভুর সহিত কি সেই দেবপুরুষের সাক্ষাৎ হইয়াছিল?”

গোস্বামী। হইয়াছিল।

সরযু। প্রভু তাঁহাকে দাসীর কথা জানাইয়াছিলেন?

গোস্বামী। জানাইয়াছিলাম।

সরযু। কি জানাইয়াছিলেন?

গোস্বামী। আপনার একটি বাক্য, একটি অক্ষরও বিস্মৃত হই নাই।

উদ্বেগ-গদগদ স্বরে সরযু জিজ্ঞাসা করিলেন, “তিনি কি উত্তর প্রদান করিয়াছেন?”

জলন্ত স্বরে গোস্বামী উত্তর দান কারলেন, “রঘুনাথ উত্তর দান করেন নাই, কেবল আপনার কথাগুলি হৃদয়ে ধারণ করিয়া অসাধ্য সাধন করিয়াছেন। অসিহস্তে, যশের পথ পরিষ্কার করিয়াছেন।”

অনেকক্ষণ পর গোস্বামী কহিলেন, “দেবতার প্রসাদে কার্য্যসিদ্ধি করিবার পর রঘুনাথ একটি কথা আমার দ্বারা আপনার নিকট বলিয়া পাঠাইয়াছেন।”

সরযু উৎকণ্ঠিত হইয়া জিজ্ঞাসা করিলেন, “সে কি?”

গোস্বামী। তিনি জিজ্ঞাসা করিয়াছেন, এতদিন কি সরযু তাঁহার দাসকে মনে রাখিবেন? আমি যাইলে সরযু আমাকে চিনিতে পারিবেন?

সরযু। এ জীবনে আমি কি তাঁহাকে ভুলিতে পারি ?

গোস্বামী। আপনার ভালবাসা তিনি জানেন, তথাপি নারীর মন সর্বদাই চপল, কি জানি যদি ভুলিয়া গিয়া থাকেন।

গোস্বামীর চপলতা ও ঈষৎ হাস্য দেখিয়া সরযু কিঞ্চিৎ বিরক্ত হইলেন, কহিলেন, “নারীর মন চপল, তাহা আমি জানিতাম না।”

গোস্বামী। আমিও জানিতাম না। কিন্তু অজ্ঞ দেখিতেছি।

সরযু। কিসে দেখিলেন ?

গোস্বামী। যিনি আমার বাগ্দত্তা বধু তিনি আমাকে অজ্ঞ ভুলিয়া গিয়াছেন। দেখিয়াও আমাকে চিনিতে পারেন নাই।

সরযু হৃদয়ের আবেগ আর সংবরণ করিতে পারিলেন না। তাঁহার মস্তক ঘুরিতেছিল, নয়ন মুদিত হইয়াছিল। “রঘুনাথ ! ক্ষমা কর।” এই মাত্র কহিয়া সরযু রঘুনাথের দিকে হস্ত প্রসারণ করিলেন। পতনোন্মুখ প্রিয় দেহ রঘুনাথ নিজ অঙ্কে ধারণ করিলেন, সে সংস্পর্শে বালিকা শিহরিয়া উঠিল। বায়ুতাড়িত পত্রের ন্যায় কাঁপিতে কাঁপিতে সরযু মনে মনে বলিলেন, “জগদীশ্বর ! এ যদি স্বপ্ন হয়, যেন এ সুখনিদ্রা হইতে কখনও না জাগরিত হই।”



উনবিংশ পরিচ্ছেদ

জয়সিংহ

অপমানিত, পীড়িত, বৃদ্ধ জয়সিংহ মৃত্যুশয্যায় শায়িত রহিয়াছেন, এরূপ সময় একজন দূত সংবাদ দিলেন, “মহারাজ, একজন মহারাষ্ট্র সেনানী, আপনার দর্শনাভিলাষী, তিনি আপনার চরণোপান্তে বসিয়া একদিন উপদেশ গ্রহণ করিয়া-ছিলেন, আর একবার উপদেশ পাইবার জন্য আসিয়াছেন।”

রাজা উত্তর করিলেন, “সম্মান পূর্বক লইয়া আইস। যে মহাপুরুষ আসিয়াছেন, আমি তাঁহাকে বিশেষরূপে জানি।”

ক্ষণেক পর একজন মহারাষ্ট্র ছদ্মবেশে সেই গৃহে প্রবেশ

করিলেন। রাজা তাহার দিকে না চাহিয়াই বলিলেন, “মুহুর্ত্ত শিবজী! মৃত্যুর পূর্বে আর একবার আপনার সহিত দেখা হইল, চরিতার্থ হইলাম। উঠিয়া অভ্যর্থনা করিবার ক্ষমতা নাই, দোষ গ্রহণ করিবেন না।”

সজল নয়নে শিবজী বলিলেন, “পিতঃ! যখন শেষ আপনার নিকট বিদায় লইয়াছিলাম, তখন আপনাকে এত শীঘ্র এরূপ অবস্থায় দেখিব, কখনও মনে করি নাই।”

জয়সিংহ। রাজন্! মহাশয়দেহ ক্ষণভঙ্গুর—ইহাতে বিস্ময় কি? শিবজী, আমাদের শেষ যখন সাক্ষাৎ হইয়াছিল, আপনি মোগল-সাম্রাজ্যের গৌরব দেখিয়াছিলেন, এখন কি দেখিতেছেন?

শিবজী। মহারাজ সেই সাম্রাজ্যের প্রধান স্তম্ভস্বরূপ ছিলেন। আপনাকে যখন এ অবস্থায় দেখিতেছি, তখন মোগল-সাম্রাজ্যের আর আশা নাই।

জয়সিংহ। বৎস, তাহা নহে, বৃদ্ধকালে সম্রাট আমার প্রতি প্রথমে অসদাচরণ করিলেন, পরে অপমান করিলেন। তথাপি ঈশ্বরেচ্ছায় আমার কার্য্যে বৈলক্ষণ্য ঘটে নাই। কিন্তু এ আচরণে আরংজীব স্বয়ং ক্ষতিগ্রস্ত হইলেন। অম্বরাসিপেরা দিল্লীশ্বরের চির বিশ্বস্ত অনুচর ও সহায়, অম্বরের ভবিষ্যৎ রাজগণ দিল্লীর প্রধান শত্রু হইবে।

শিবজী। আপনি প্রকৃত কথাই বলিয়াছেন। আরংজীব

আপন অসদাচরণে অস্থর ও মহারাষ্ট্র এই দুইটি দেশকে
শত্রু করিয়াছেন ।

ক্ষণেক নয়ন মুদিত করিয়া জয়সিংহ অতি গম্ভীরস্বরে
পুনরায় কহিতে লাগিলেন, তখন মৃত্যু-শয্যায় মহাত্মার দিব্য
চক্ষু উন্মীলিত হইল । সেই চক্ষুতে ভবিষ্যৎ দেখিয়াই যেন
রাজর্ষি কহিতে লাগিলেন, “শিবজী ! আমি দেখিতেছি যে,
এই কপটাচারিতায় চারিদিকে যুদ্ধানল প্রজ্জ্বলিত হইল । রাজ-
স্থানে অনল জ্বলিল, মহারাষ্ট্রদেশে অনল জ্বলিল । পূর্বদিকে
অনল জ্বলিল, আরংজীব বিংশতি বৎসর যত্ন করিয়া সে অনল
নির্ব্বাণ করিতে পারিলেন না ; তাঁহার তীক্ষ্ণ বুদ্ধি, তাঁহার
অসামান্য কৌশল, তাঁহার অসাধারণ সাহস ব্যর্থ হইল ।
বুদ্ধবয়সে পশ্চাত্তাপ করিয়া, দিল্লীস্থর প্রাণত্যাগ করিলেন ।
অনল আরও প্রবল বেগে জ্বলিতেছে, চারিদিক হইতে ধু ধু
শব্দে অগ্রসর হইতেছে, সেই অনলে মোগল-সাম্রাজ্য ধ্বংস
হইয়া গেল । তাহার পর ? তাহার পর মহারাষ্ট্র জাতির
নক্ষত্র উন্নতিশীল । মহারাষ্ট্রীয়গণ ! অগ্রসর হও, দিল্লীর শূণ্য
সিংহাসনে উপবেশন কর ।”

রাজার বচন রোধ হইল, শ্বাস রোধ হইল, শরীর হইতে
প্রাণ বহির্গত হইল ।



বিংশ পরিচ্ছেদ

জীবন-প্রভাত

[বিজয়নগর আক্রমণ কালে জয়সিংহের সহিত রহমৎ খাঁর পুনরায় যুদ্ধ হয়, জয়সিংহ জয়ী হন। যুদ্ধক্ষেত্রে রহমৎ খাঁ আহত হইলে জয়সিংহ তাহাকে আপন শিবিরে আনেন ও বিশেষ যত্ন সহকারে শুশ্রূষা করান। মৃত্যুকালে রহমৎ কৃতজ্ঞতার চিহ্নস্বরূপ একখানি পত্র দিয়া মৃত্যুর পর পাঠ করিতে বলেন। চন্দ্ররায় ও দুর্গ আক্রমণের সংবাদ পত্রযোগে রহমৎ খাঁকে জানাইয়াছিল ইহা সেই পত্র। জয়সিংহের মন্ত্রী সেই পত্র শিবজীকে দিয়া যান।

মহারাষ্ট্র জীবন-প্রভাত

শিবজী সেই পত্র প্রধান সেনানৌদিগকে দেখাইয়া রঘুনাথকে নিষ্কলঙ্ক ঘোষণা করিলেন ও চন্দ্ররাওর প্রাণদণ্ডের আদেশ দিলেন। রঘুনাথ অনেক অহুরোধ করিয়া প্রাণতিক্ষা চাহিয়া লইলেন। চন্দ্ররাও ইহাতে অপমানিত বোধ করিয়া সভাস্থলে আত্মহত্যা করেন। লক্ষ্মী স্বামীর সহমৃত্যু হইল।]

শিবিরে প্রত্যাবর্তন করিয়া শিবজী প্রভাতের পূর্বেই প্রধান সেনানী ও আমত্যদিগকে একত্র করিলেন, ক্ষণেক পরামর্শ করিলেন। পরে শিবিরের বাহিরে আসিয়া আপনার সমস্ত সৈন্য আহ্বান করিয়া বলিলেন, “বন্ধুগণ! প্রায় এক বৎসর হইল, আমরা আরংজীবের সহিত সন্ধিস্থাপন করিয়াছিলাম, আরংজীবের নিজের দোষে ও কপটাচারিতায় সে সন্ধি খণ্ডন হইয়াছে। অতঃপর আমরা সে কপট আচরণের প্রতিশোধ দিব। মুসলমানদিগের সহিত পুনরায় যুদ্ধ করিব। যিনি আরংজীবের প্রধান সেনাপতি ছিলেন, ঈশানী দেবীর আদেশে ঘাঁহার নিকট শিবজী বিনা যুদ্ধে পরাস্ত হইয়াছিলেন, কল্যা নিশীথে সেই মহাত্মা রাজা জয়সিংহ আরংজীবের অসদাচরণে প্রাণ বিসর্জন করিয়াছেন। সৈন্যগণ, দিল্লীতে আমার কারারোধ—হিন্দুপ্রবর জয়সিংহের মৃত্যু, এ সমস্ত এক্ষণে আমরা পরিশোধ করিব। মৃত্যুশয্যায় রাজা জয়সিংহের দিব্যচক্ষু উন্মীলিত হইয়াছিল। তিনি দেখিলেন মোগলদিগের ভাগ্যনক্ষত্র অবনতিশীল, মহারাষ্ট্রদিগের ভাগ্যনক্ষত্র উন্নতিশীল। দিল্লীর সিংহাসন স্বরায়

শূন্য । বন্ধুগণ ! অগ্রসর হও, পৃথু-রায়ের সিংহাসন আমরা
অধিকার করিব

পূর্বদিকে রক্তিমচ্ছটা দেখিতে পাইতেছ, ও প্রভাতের
রক্তিমচ্ছটা ! কিন্তু উহা আমাদের পক্ষে সামান্য প্রভাত নহে ;
মহারাষ্ট্রগণ ! অতঃ আমাদের জীবন-প্রভাত ।”

সমস্ত সেনানী ও সৈন্যগণ এই মহৎ বাক্য শুনিয়া গর্জিয়া
উঠিল, “অতঃ আমাদের জীবন-প্রভাত ।”

—শেষ—



